

列
朝
詩
集

列朝詩集

甲集前編第一

劉誠意基覆瓿集樂府詩九十五首

古詩六十七首

劉誠意基

基字伯溫青田人元至順癸酉明經登進士第累仕皆投劾去方谷真反
爲行省都事建議招捕省臺納方氏賄罷官羈管紹興感憤欲自殺門人
密里沙抱持得不死太祖定婺州規取處石林宜孫總制處州爲其院
經歷宜孫敗走歸青田山中伏匿不肯出孫炎奉命釣致之乃詣金
陵後以佐命功官至御史中丞封誠意伯正德中謚文成公自編其詩文
曰誠意集者元季作也曰犁耨公集者國初作也公負命世之才丁胡元
之季沈淪下僚籌策齟齬哀時憤世幾欲草野自屏然其在幕府與石林
艱危共事遇知己效馳驅作爲歌詩魁壘頓挫使讀者憤張興起如欲奮
臂出其間者遭逢聖祖佐命帷幄列爵五等蔚爲宗臣斯可謂得志大
行矣乃其爲詩悲窮歎老咨嗟幽憂昔年飛揚硤砢之氣澌然無有存者
豈古之大人志士義心苦調有非旂常竹帛可以測量其淺深者乎嗚呼

其可感也孟子言誦詩讀書必曰論世知人余故錄覆誠集列諸前編而以犁耜集冠本朝之首百世而下必有論世而知公之心者

艾如張

有苑者林衆鳥萃之我欲張羅榛桔翳之既礪我斧又飭我徒孰是與穢而不剪除爰升于虛以相乃麓有條我綱載猷我目有鳥有鳥五采其章嚙嚙啗啗率彼高岡張之弗獲憂心且傷寤寐懷思曷云能忘有鳥五采亦既來止昭其德音以相君子君子豈弟其儀是若艾而張矣云胡不樂

芳樹

蔚彼芳樹生于蘭池景風晝拂榮泉夜滋燁如其光炫于朱曦含華吐芬嚶鳴滿枝君子有酒以邀以嬉羽觴交橫吹竹彈絲相彼草木允惟厥時良辰易徂能不懷思沛其邁矣其誰女悲

上陵

零雨霏霏亦降于桑愴恨中懷念昔先皇惟昔先皇創業孔艱寤寐興懷能不永歎精靈安所體魄焉依幽明隔絕曷已其思堂堂梓宮在彼高岡霜露是萃能不慨傷禮起由情將情繫物溥斯索矣庶其罔闕郊社既虔

宗廟孔威上陵是申式昭孝思

將進酒

有酒湛湛亦盈于觴酌言進之思心洋洋亦有兄弟在天一方安得致之
樂以徜徉有酒在尊既旨且清何以酌之有觥其觥豈不欲飲惜無友生
愴恨傷懷曷云其平兄弟之合如墳如簾朋友既比如固如維死喪急難
是責是庇今日有酒如何勿思人亦有言解憂惟酒載惓載歎亦孔之咎
我觴維瓊我年維玖以樂兄弟以宴朋友

巫山高

巫山高哉鬱崔嵬下有江漢浮天回深林日月照不到洞谷闔闔生風雷
危峯半出赤道上落日猿猱鳴聲哀虎牙赤甲鬬雄壯風氣以之而隔閼
楚王遺跡安在哉但見麋鹿跳蒿萊當時忠臣放澤畔乃與靳尚相徘徊
山中妖狐老不死化作婦女蓮花腮潛形謫跡託夢寐變幻涕淚成瓊瑰
神靈震怒不可禱雲霧慘淡昏陽臺猛風吹雨洗不盡假手秦炬歃飛灰
精誠感應各以類世間妖孽能自來君不見商王夢中得良弼傳巖之美
今安匹巫山何事近楚宮終古怨恨流無窮

巫山高刺奇后也庚申君寵

高麗奇妃立以爲后專權植黨濁亂官闕故作巫山高以諷諫焉

戰城南

朝戰城南門暮戰城北郭殺氣高衝白日昏劍光直射旄頭落聖人以五服限夷夏射獵耕織各自安土風胡爲彼狂不自顧而與大國爭長雄高帝定天下遺此平城憂陛下宵旰不遑食擁旄仗鉞臣不羞登南城望北土雲茫茫土膺膺蚩尤禡牙雷擊鼓舉長戟揮天狼休屠日逐渾邪王瓊車尾尾連馬羊橐駝載金人照耀紅日光逍遙而來歸帝鄉歸帝鄉樂熙熙際天所覆罔不來小臣獻凱未央殿陛下垂拱安無爲

思悲翁

弱齡輕日月邁景想神仙願往諒無及待來徒自憐黃金棄砂礫劬心鍊丹鉛鑿石不得水沉劍徒窺淵流光不我與白髮盈華顛杖策出門去十步九不前歸來對妻子塵竈午未燠午時乏計策退耕無園田霜蒲怨青松逝矢恨驚弦已矣復何道吞聲赴黃泉

聖人出

聖人出臨萬方赤若白日登扶桑陰靈韜精星滅芒羣氛辟易歸大荒晻

暖寒谷熙春陽枯根發茁暢幽藏潛魚躍波谷鳥翔花明草暖青天長青
天長聖人壽北斗軒轅調氣候北辰中居環列宿八風應律九歌奏圓方
交格神靈輳聖人出陽道開億萬年歌康哉

釣竿

斫竹作釣竿抽蠶作釣絲滄洲日暖波漣漪綠蒲茸茸柳葉垂釣纖餌香
魚不知石鱗激水溪毛動玉燕迴翔竿尾重大魚入饌腮頰紅小魚却放
淵泓中更祝小魚知我意長逝深潭莫貪餌

思美人

雨欲來風蕭蕭披桂枝拂陵苕繁英隕鮮葉飄揚煙埃靡招搖激房帷發
綺綃中髮膚惜寂寥思美人隔青霄水渺茫山峩雲中鳥何脩脩欲寄
書天路遙東逝川不可邀芳蘭花日夜凋掩瑤琴閑玉簫魂裊裊心搖搖
望明月歌月謠聊逍遙永今宵

楚妃歎楚妃歎亦刺奇后也

江漢揚波六千里上有巫山矗天起錦衾一夕夢行雲萬戶千門冷如水
聞道秦兵下武關君王雷連猶未還山深不見章臺殿汨羅冤淚空潺湲

尚憶前王好馳逐宮中美人不食肉回狂作哲須臾間至今相業歸孫叔
楚宮無復如昔人況有神女如花新悲來恨新還憶故誰能斷却巫山路

王子喬

王子喬乃是髧王之子皇王之孫深宮洞房不稱意却駕白鶴尋軒轅虹
蜺爲旂雲爲幡飄然乘風上崑崙王子喬去何之朝發陽谷暮崦嵫六龍
九鳳相追隨穆王西上不得王母訣胡爲元氣獨爾私王子喬去不還后
稷功業委如山猶有九鼎知神姦王城日夕生茆菅爾獨胡爲白雲間王
子喬空長歎王子喬刺愛猷識里達臘也太子阻兵拒父自瑱住拔以出
奔不稱主器宗社將覆故託王子喬以刺焉

走馬引

天冥冥雲濛濛當天白日中貫虹壯士拔劍出門去手提仇頭擲草中擲
草中血漉漉追兵夜至深谷伏精誠感天天心哀太一乃遣天馬從天來
揮霍雷電揚風埃壯士呼天馬馳橫行白晝吏不敢窺戴天之恥自古有
必報天地亦與相扶持夫差徒能不忘而報越棲於會稽又縱之始知壯
士獨無媿魯莊騶絡何以爲人爲明宗被弑于晃忽又庚申帝卽位七年

乃以尚書之言撤文宗主于太廟而詔書但以私圖傳于爲言昧于春秋復仇之大義矣公此詩蓋深譏之也

梁甫吟 此詩云艷妻牝雞亦爲奇后而作

誰謂秋月明蔽之不必一尺雲誰謂江水清清之不必一斗泥人情且暮有翻覆平地倏忽成山谿君不見桓公相仲父豎刁終亂齊秦穆信逢孫遂違百里奚赤符天子明見萬里外乃以意以爲文犀停婚仆碑何震怒青天白日生虹蜺明良際會有如此而況童角不辨粟與稗外間皇父中艷妻馬角突兀連牝雞以聰爲聾狂作聖顛倒衣裳行蒺藜屈原懷沙子胥棄鸕魁叫嘯風淒淒梁甫吟悲以悽岐山竹實日稀少鳳凰憔悴將安棲

牆上難爲趨行

弱水不可以航石林不可以車人生貴守分牆上難爲趨茫茫八極內狹徑交通衢紛紛皆轍迹擾擾論錙銖焦原詫齊踵龍領夸探珠片言取卿相杯酒興剪屠機事一朝露妻子化爲魚林間有一士蓬蒿翳窮廬種稻十數畝種桑八九株有酒且飲之無事卽安居孰知五鼎食聊保百年軀悠悠身後事汲汲復何如

少年行

駿馬狐白裘玉勒黃金羈賓從如浮雲顧盼生光輝朝驅紫陌塵暮醉青樓姬但見花月好寧知霜雪飛荏苒世途異淒涼瑤草衰田園皆易主親友盡睽違學書時既晚躬稼力已微歲晏寒風生倚牆聽隣機逝水不可挽枯蓬安所依佇立爲爾歎感我淚沾衣

獨漉篇

獨漉復獨漉月明江水濁水濁迷龍魚月明復何如楚國皆濁屈原獨清行吟澤畔哀哉不平上山采茶下山采蘼心在腹中何由可白羽獵任後虎豹在前四顧無人魂飛上天珠玉委棄不如泥沙躡冠戴履萬古悲嗟

懷懷歌五首

白惡養雛時夜夜啼達曙如何羽翼成各自東西去昨夜霜風起入戶復吹帷兒啼母心酸母愁兒不知養兒徒養老無兒生煩惱臨老不見兒不如無兒好食藥苦在口食蓮苦在心苦心無人知苦口淚沾襟男兒初生時蓬矢桑弧弓老大却思家似惱無終窮

君子有所思

晨上龍首山徘徊望咸京交衢錯萬井甲第連公卿鞍馬相照曜冠蓋如雲行扈從金宮歸賜酒銀甕盈前庭列騶騎後苑羅傾城寵極妬心起歡餘驕氣生田賢巧相奪蕭韓互摧傾快意在一時報復延戈兵范睢掉柔舌穰侯去彌羸寧知幽燕客接踵夸雄鳴茫茫前車轍遺迹猶未平胡爲不自悟坐使憂患并二疏獨何人千載垂令名

上山采蘼蕪

上山采蘼蕪山峻路迢遞山下逢故夫悲風生羅袂憶昔結髮時願得終百年變故不可期中道相棄捐進實生水中石楠生路側未嘗掛齒牙中心豈能識上山采蘼蕪羅袖生芳菲因君贈新人莫遣秋霜隳落葉辭故枝不寄別條上白日無回光誰能不惆悵

雙桐生空井

雙桐生空井井空桐葉稀葉稀不自蔽鳳鳥將安歸雙桐生空井井泥泉不出桐根日夜枯何由伐琴瑟

玉階怨

長門燈下淚滴作玉階苔年年傷春雨一上苑牆來

秋思

梧桐生碧砌密葉暗金井驚心昨夜月照見棲禽影

長門怨

白露下玉除風清月如練坐看池上螢飛入昭陽殿

長相思

長相思在沅湘九疑之山鬱蒼蒼青天蕩蕩林木暗落日虎嘯風飛揚欲往從之水無航仲尼有德而不用孟軻竟死於齊梁松柏摧折桂生蠹但見荊棘如山長長相思斷人腸

大牆上蒿行

牆上蒿方春擢秀何芄芄炎天六月旱無雨枝葉枯死隨飄風世情翻覆不可擬人生有身莫依倚君不見樊將軍一朝回首西入秦又不見劉越石仰天長歌握中璧三士自殘因二桃子胥終棄吳江濤世人見機苦不早何不看取牆上蒿

雞鳴曲

日將出雞先鳴千門萬戶聽雞聲美人錦帳愁欲曙壯士苦心煎百慮人間百年能幾日日日雞鳴催日出一朝過了復一朝白髮蕭蕭此生畢齊妃播淑德感彼蟲薨薨周官悟姜后功業光中興亦知國家共如此莫怪雞鳴催早起

邯鄲才人嫁爲厮養卒婦

邯鄲有才人艷色如朝霞嫁作厮養婦雲鬢埋泥沙憶昔趙王全盛日夜綺筵張寶瑟中山美酒盈羽觴一笑黃金滿千鎰繁華過眼如轉蓬故宮禾黍秋茫茫明珠白璧走函谷墜簪遺珥空悲風人生最苦是衰老白首無歸向誰道誰門夜永月光寒卧聽鴛鴦駘斃枯草

孤兒行

蓬頭皴足誰家兒滿面塵埃雙淚垂爺娘棄我不待老骨肉無人但兄嫂兩身一氣不相知陌路茫茫向誰道清晨采薪日入歸殘羹冷飯難充飢欲言問兄兄不顧嫂是他人更奚訴人生一世爲弟兄同根自合同枯榮爺娘在日曾眷戀願兄回看死人面此詩亦有感于文宗兄弟之間而作

病婦行

大妻結髮期百年何言中路相棄捐小兒未識死別苦啞啞向人猶索乳
箱中探出黃金珥付與孤兒買餐餌不辭瞑目歸黃泥泉下常聞兒夜啼
低聲語郎情不了願郎早娶憐兒小

淮南王

淮南王好神仙澄心鍊氣守自然收拾真一歸中間化為五色黃金丸乘
風駕景飛上天飛上天逍遙遊入鸞捧輦龍翼軒虹蜺繽紛夾綵旂上窺
九陽下六幽回頭大笑武皇帝栢梁桂館空清秋

蜀國弦七首

胡笳拍斷玄冰結湘靈曲終斑竹裂爲君更奏蜀國弦一彈一聲飛上天
蜀國周遭五千里峨眉峩峩連玉壘岷嶓出水作大江地著天浮戒南紀
舒爲五色朝霞暉慘爲虎豹嗥陰霏翕爲千嶂雲雨入噓爲百里雷霆飛
白鹽雪消春水滿谷鳥相呼錦城暖巴姬倚歌漢女和楊柳壓橋花纂纂
銅梁翠氣通青蛉碧雞啼落天上星山都號風寡孤泣杜鵑鳴咽愁幽冥
商悲羽怒聽未了窮猿三聲巫峽曉瞿塘噴浪翻九淵倒瀉流泉喧木杪
樓頭仲宣鬪旅客故鄉渺渺音塵隔含悽更聽蜀國音不待天明頭盡白

東飛伯勞歌

南飛鷗鵠北飛鴛黃昏鳴雞白日燭珊瑚石上栽兔絲鴛鴦獨宿枯桑枝
永夜涼蟬入羅帷蟬翼不如秋髮薄寒塘露蓮千葉紅可憐零露空隨風

雙燕離

雙燕營巢時雙飛復雙語輕盈柳陌風振迅芹塘雨集成近繡幃雙宿更
雙飛爲蒙主人愛不信有睽違四月溫風起榴花發紅藥拾蟲還哺雛
入無停嘴五月致雛飛繞巢舞烏衣側避蛛絲過斜縈柳線歸六月雛
老分飛各相保脉脉傷珠簾依依集蘭橈世事有轉旋陵谷一朝遷昆明
延劫火甲第化歌煙帶睡驚飛出塵沙雨和失死生不得知嫵婉從茲
回看舊主人粉黛成灰塵天高雲渺渺海闊波鱗鱗荏苒朝還暮悵悵向
何處毛鷗半夜霜淚滴三春露露寒霜又濃憔悴不成容同心諒難隔魂
魄終相從

遠如期

遠如期近別尚云可遠期能不悲憶昔辭君出門去手種庭前松栢樹樹
今成器人未歸洞房白髮秋霏霏高原有梧隰有檟待君北邙山石下

大堤曲

大堤女兒顏如花大堤堤上無豪家東家女作西家婦夫能棹船女沽酒
春去秋來年復年生歌死哭長相守君不見襄陽女兒嫁荊州撞鐘擊鼓
烹肥牛樓船一去無回日紅淚空隨江水流

白苧詞二首

鏗華鐘伐鼙鼓青娥彈絲白苧舞文竿迎風雉振羽長袖奮迅若雲舉博
山霧合春濛濛玉釭搖火生長虹翠蕩紅翻如夢中

暖香結暝嬌青春翠釵珠壓光照人鳳簫十二煙霧勾鴻驚燕嬌波龍鱗
玉觴交飛酒如沼門外斜陽在林杪宮中沉沉天未曉

鈞天樂

君不見天穆之山二千仞天帝所以觴百靈三嬪不下兩龍去九歌九辯
歸杳冥我忽乘雲夢輕舉身騎二虹臂六羽指揮開明闕帝關環佩泠泠
曳風雨明月照我足倒影搖雲端參差紫鸞笙響震瑤臺寒我欲聽之未
敢前空中接引皆神仙煥揮霧霍不可測翠葩金葉光相射鯨鐘虎簾鏗
鴻濛撼昆崙今殷崆峒揚天枰今伐河鼓咸池波今析木風遂升泰階朝

玉帝側身俯伏當瓊陛
訊曰太極折裂爲乾坤
紛紛枝葉皆同根胡爲妄
生水火金木土自使激搏相熬煎
臣聞三皇前羣物咸熙熙
衆子戴一父皞皞無偏私
忽然元氣自蕩潏變換白黑分
賢癡出尤與黃帝從此與戈
矛流毒萬萬古爭奪無時休
骨肉自殘賊帝心至仁能不憂
帝不答臣心迷風師咆哮虎豹怒
銀漢淘湧天雞啼飄輪掀捩三島過
海水盡是青玻璃神奔鬼怪惕驚起
道音淪淪猶在耳夢耶遊耶不可知
但見愁雲漠漠橫九疑

從軍五更轉五首

一更戍鼓鳴市上
斷人聲風吹鴻雁過
憶弟復思兄
二更月上城
照見兜鍪光
側身望山川
淚落百千行
三更悲風起
樹上烏鵲鳴
枕戈不能眠
荷戈繞城行
四更城上寒
刁斗鳴不歇
披衣出戶視
太白光如月
五更星斗稀
霜葉光爛爛
健兒爭先起
拂拭寶刀看

前有尊酒行

前有尊酒芳以飴
舉杯欲飲且置之
丈夫有志可帥氣
胡爲受此麴蘖欺

禹惡旨酒玄德上達桀作酒池而南巢是蔡商辛惡來以白日爲夜糟丘
肉林相枕藉瑤臺條忽成灰塵流毒猶且遺殷民夫差醢而納施楚國酣
而放屈姑蘇臺上麋鹿遊鄢郢宮中狐兔出灌夫罵坐禍延魏其竹林稱
賢神州羨藜亡家破國有如此酒有何好而嗜之前有尊酒醺以清酌之
白日成晦冥眼花耳熱亂言語元氣耗斁肝膽傾乃知酒是喪身物衛武
之戒所以垂休聲

隔谷歌

戰鼓咽悲風弓折不可把弟兄隔谷不相聞咫尺人間與泉下丈夫誓許
國殺身非所憐兩心本一氣何能坐相捐登埤四顧望慷慨肝膽裂不見
救兵來但見繞城鐵甲光如雪飛禽在羅網尚或念其饑身爲高官馬食
粟忍見手足居重圍相彼鴻與雁亦各顧匹儔挽弓射一猿羣猿拔箭聲
啾啾鳥獸且有情人心獨何尤嗚呼田家紫荊雖微木不忍聽君歌隔谷
此詩與孤兒行皆爲文宗而作

氣出唱

今日不樂振策遠遊東上泰山魏何脩脩道逢仙人要我同仇蒸霞爲糧

烹玉爲羞玄英素粧光華蔓流日觀苗裔葩華九州令我從之身輕若浮
道以五鸞翼以兩虬朝翔玄圃夕止蓬丘謁見王母雲睂月眸青娥三千
或舞或謳風吹琅玕聲如鳴球雜花並開莫知春秋洪崖先生勸我此留
自揣凡骨非仙者儔七情交煎一觸百抽又病懣僻無藥可療崇崇清宮
蕩無涯陬列仙如沙不少一瀝王母笑聽拜謝扣頭歸來山林曷標曷鉤
熙熙泰和長樂無憂

班婕妤

昭陽秋清月如練笙歌嘈嘈夜開宴長信宮中離輦人獨倚西風詠紈扇
傾城自古有褒姒紅顏失寵何須怨泠泠玉漏掩重門一點金缸照書卷

短歌行

涼風西來天氣清雲飛水落山崢嶸髮膚剝削稜骨生鮮芳菸悒成枯莖
百蟲哀號百竅鳴凡有形色皆不平成之孔艱壞厥輕羈人含愁起夜行
列星滿天河漢橫繁思攢心劇五兵天高何由達其情歸來託夢通精誠

燕歌行

霜飛動地燕草凋沙飛石走天蕭條江河倒影陵谷搖白日慘淡畫爲宵

美人迢迢隔雲霄青冥無梯海無橋魚枯雁死星芒消沉沉思君不自憐
愁如驚風鼓春潮歲云暮矣山寂寥梧桐葉落空乾條崑崙層城阻且遼
蒼梧九疑煙霧遙瓊田瑤草芟芻蕘江離澤蘭成艾蕭登高望遠肝肺焦
安得羽翼搏長飈

苦哉行

雞不可使守門狗不可使司晨驅車梁弱水日暮空悲辛我欲乘風謁閭
闔虹蜺彌天雲霧合九關虎豹森駭人長跪陳辭閭不荅錯石作瑱璠鬼
神驚見欺截梁爲樗櫨般垂卅膺淚交頤衝風結玄冰道惡不可履巫咸
上天去澤凍神蒼死我欲竟此曲此曲多苦聲鴻雁向天北因之寄遐情
起夜來

微月就沒銀河爛城烏啞啞夜將半憂愁不寐攬衣起仰看明星坐待旦
威弧歷落連天狼兩旗欲動風不揚槐根王侯夢未覺豈知雞聲堪斷腸
無愁果有愁曲

君不見陳家天子春茫茫後庭玉樹凝冷光樓船江上走龍陣宮中只報
平安信酒波灩灩蒸粉香暖翠烘煙妬嬌鬢無愁老夫貂鼠裘降旗搖動

臺城秋生結東縛檻車去始信人間果有愁

放歌行

鴻鵠搏紫霄鷄鳩守苞桑豈惟異所志羽翼有短長
玄陰變白晝閭虛侵太陽一鹿走中原熊虎競騰驤
植竿成壘壁舉袂爲摎槍叱咤倒江河蹴蹋摧山岡
大牙據險鬻瓜瓣割土疆六奇誇曲逆三略稱子房
磨牙各有伺裂背遙相望龍蛇未分明智力正爭強
孔明魚得水毛遂錐脫囊霧晦豹始變海激鵬乃翔
嗟爾獨何爲抱已自摧藏

艷歌行

亭亭松柏樹結根幽澗隈高標拂雲日直榦排風雷
曾經匠石顧謂是梁棟材明堂未構架厚地深栽培
榮星入天關武庫一朝災搜求到櫟樸谷赤山城垓
般爾死無人鉤繩付輿臺路阻莫自致棄之於草萊
天寒斧斤築歲莫空摧頽三光無偏照四氣有還迴
斷喪在須臾成長何艱哉孰知真宰意悵望使心哀

門有車馬客行

門有車馬客云是故鄉人執手前借問鄉語知情真
自云別故鄉觀光京

國塵經商涉代比薄宦往西秦繡鳳錦鴛鴦金鞍紫騏驎結交貴公卿出入擁衆賓劇孟氣方銳郭解家不貧但見三春花寧思秋露晨斷蓬失其根風沙歟漂淪前途塞虎狼故里荒荆榛昔爲橫海鯨今爲涸轍鱗話言未及竟涕淚各盈巾居家倚骨肉出家倚交親何常在異縣見此舊里鄰園蔬如蜜甘市酒若醴醇悲歡且棄置生死同苦辛短歌有深情情深難具陳

煌煌京洛行

齊謳且輟唱吳趨亦停聲請君傾耳聽聽我歌洛京京洛何煌煌卜宅自周王五服畫九州茲惟土中央用文四戰地恃德源瀉流長漢祖殪秦項定都由于房馬上得天下水龍飛埽揔搶應天順民心戡暴安痍傷冤旒正列爵土循吏勸耕桑詔書報臧馬王關閉西羌周廷無乳虎伏邑有馴雉翔涓涓醴泉液燁燁朱草芳繼體更能賢守成不踰常南郊尊上帝宗祀親明堂辟雍養耆德靈臺觀昭文章詩書母后訓淫侈蕃封防日年天再開四帝百重光傾是自滿

盈宴安生怠荒刑官竊威柄義士死道旁
費積千里草禍成一星黃大命始不擊餘
暉尚悠揚典午亦有初言治稱太康用人
混哲否孽芽出蕭牆兄弟相啖食同氣成
豺狼金墉豈不固清談漫洋洋妖星入太
極胡維登御床銅駝荆棘沒寢廟狐狸藏
落日照西城寒雲歸北邙轅轅無人行伊
洛廣且長衰榮若旦暮道德信金湯殷勤
京洛篇厥鑒不可忘

靜夜思

靜夜思一思腸百轉啼螢當戶聽不聞明月在庭看不見方將入海潮
猛蛟復欲度嶺遶飛猱胸中倏忽亂憂喜得喪紛紛竟何是靜夜思思無窮
天雞一聲海日紅滿頭白髮吹秋風

冬暖行

孟冬十月暖桃李花盛開胡蝶草間出飛上花枝來蝶知愛花爲花出不
知冬暖無多日霜風一夕花作塵墜粉飄黃愁殺人

節婦吟

淒切復淒切綠萍初生池水竭蘭根壓霜芽不茁春風冷冷逐秋月
蓼蟲食苦甘如酒卷施雖生心已朽揚州青鏡蝕土花玉匣瓊臺復何有君不

見人間日月如飛梭地下相從應始多

登高丘而望遠海

登高丘望遠海長風簸浪高於山蓬萊宮闕無光采雲霧翳暘谷羲和安所之鯨鯢作隊行鱗鬣如朱旗精衛銜石空有心口角流血天不知登高丘望遠海弱水浩蕩不可航一望令人玄髮改

江上曲

江上風吹沙石走江中濤浪如牛吼鄂君繡被寒無香江水不如殘夜長

薤露歌

蜀琴且勿彈齊竽且莫吹四筵並寂聽聽我薤露詩昨日七尺軀今日爲死屍親戚空滿堂魂氣安所之金玉素所愛棄捐篋笥中佩服素所愛淒涼掛悲風淒淒素所愛灑淚空房櫛賓客素所愛分散各西東離者自相快親者自相悲有耳不復聞有目不復窺譬彼燭上火一滅無光輝譬彼空中雲散去絕餘姿人生無百歲百歲復如何誰能將兩手挽彼東逝波古來英雄士俱已歸山阿有酒且盡歡聽我薤露歌

蓮塘曲

落日下蓮塘輕舟赴晚涼偶然花片落飛出兩鴛鴦

蒿里曲 三首

澗草萋萋泉汨汨紫蘭香老棠梨發山中無人松栢寒卧聽狐狸嘯明月
白楊樹頭風惻惻哀鳥悲啼山月黑殯宮冷落清夜長銀鴨金龜不堪食
山花冥冥啼子規鳥銜紙錢掛花枝山中遊人莫相笑君到此中當自知

古鏡詞 并序

金陵武生於勾曲野人得古墓中鏡李桓先生辨其款製燕石上有元康
年字定其爲漢時物今雖不能灼見其非晉而漢然其來之不近則明矣
百鍊青銅曾照膽千年土蝕萍花壓想得玄宮初閉時金精夜哭黃鳥悲
魚燈引魂開地府夜夜晶光射幽戶盤龍隱見自有神神物豈肯長湮淪
風循蟾蜍騎入月將與嫦娥照華髮

遠遊篇

三山六鼇背翠水扶桑東雞鳴上海日海面玻瓈紅仙人騎鸞鳳呼我游
雲中雲中有金闕謂是天帝宮明星列兩藩琪樹光玲瓏太一坐端門白
髮映青瞳授我玉篆文赤蛇蟠九虹出入元化先壽命齊老童因逢青鳥

使遂造東王公素女如蓮華歌喉弦管同顧盼動環佩振迅若輕鴻化爲五色光倏然隨長風

畦桑詞

編竹爲籬更栽刺高門大寫畦桑字縣官要備六事忙村村巷巷催畦桑桑畦有增不可減雀備上司來計點新官下馬舊官行牌上却改新官名君不見古人樹桑在墻下五十衣帛無凍者今日路旁桑滿畦茅屋苦寒中夜啼

神祠曲

路旁古廟壁半斜雨滴香案堆泥沙槎牙死樹當道卧樹上紙錢猶未化春秋祭祀知幾時烏鴉得食競相隨人人歡喜得好玃低昂拜跪山花飛寧知禍發在旦夕空村無煙唯瓦礫廟傍烏鴉亦不來獨畱土偶眠蒼苔

巴陵女子行

巴陵女子天下奇石作心肝冰作脾生平見義不見已收淚恨殺襄陽兒臨終裂素寫怨語生氣猶能起風雨君不見虎符繫頸東海橋令人愧死巴陵女

秦女休行

秦家女兒美且都齒如編貝唇如朱有生不幸遭亂世弱肉強食官無誅
兄朝出門暮不返家人悵望空倚闥女休聞之胆裂奮臂不惜千金軀
援矛一擲白日撼仇血上濺天模糊市人驚譟塵土沸邏卒奔走馳金吾
有心殺人寧惜死顏謂女吏何其愚嫚法長姦誰所致舍生得義吾何逋
精誠通天天爲惻赦書一夕來宸極路旁觀者咸歎嗟女休出門無喜色
君不見景升本初之子空是男亡家破國令人慙

閨詞二首

戎馬關山隔空閨髮髮華將何寄消息江樹總無花
別却燈花藥從教汚翠鈿幾回虛報喜誤妾不成眠

上雲樂

混沌結玄黃開人生其中稱爲三才一人身有一天地形質雖異衆理該
欲淫物誘滋巧僞遂使真淳耗斲玄風頽乃有朝生而暮死者本根淺短
無栽培惟有西天老胡名文康自從盤古到今日不老不少氣體充實如
嬰孩性情和易顏色好恰似初釀葡萄醅激之而不見其怒撓之而不見

其怡甘之而不見其喜苦之而不見其歎所以於物無所忤於人無所猜
於事無所碍於藝無所不能不死在人世借問老胡何脩得此哉老胡
答言我亦不自解請說伏羲神農皇帝在日一二事不知得失汝自揆伏
羲始畫八八六十有四卦羅天網地括五材老胡不識單與耦謂是烏曹
重疊堆磚坯倉頡制文字鬼母夜哭聲哀哀老胡不識點與畫謂是蝸牛
之淚縈莓苔容成隸首造曆數上收坤靈之精爽下撥乾象之根荄大撓
作甲子編戶星宿來當差老胡不識一二三四五但見暖則出寒則伏一
似蟲豸聽命霜與雷羲和造曆占日月拘束烏飛兔走翼足相排按鬼吏
區占星氣指片王蓬絮周伯老子無所藏匿其祥災老胡不識金木水火
土但見昊天森列衆光怪太者如缶小者如杯伶倫截竹作律呂中間實
以葭葦灰玄問老鬼二十四俯首受命同興儻又用子穀秬黍起度量教
得蠢動狡猾而不獸老胡不識輕重長短多與寡但覺饑則食飽則止明
則起暗則臥有力卽往倦卽回軒轅黃帝與岐伯口嘗毒藥一日生死八
九遍皮肉黑瘦生烟煤老胡但見顏色差異卽不喫牙齒牢硬無齒齮九
天玄女說兵法風雲鳥蛇掌上排教人關關逞雄傑致使阪泉涿鹿之野

它它藉藉撐枯骸爾時衆賢聖尾尾相繼轟轡輻輳雕肝琢腎鏤心肺傾瀉
精髓通脊膂攘攘擾擾競神知虛名不朽身先賈惟有老胡混沌無孔竅
不與人世分仇儕堯舜相傳授四海玉燭無氛埃老胡隨衆歌擊壤帝力
於我何有哉湯武行放伐鷹化爲雀駒爲駮龍逢被殺夷叔餓何如老胡
終日瞑坐山之隈五伯與七國角力爭喧騰謀臣辨士神出而鬼沒口乾
舌拔睂眼嚼到頭畢竟成就者土墳三尺埋蒿萊老胡萬事皆不理嗟嗟
坐得四肢百骨如乾柴所以天地鬼神不怪怒容得老胡永遠在世上時
復一出歌笑呈詼諧况遇天子聖德澤浹九垓青雲應呂鳳應律還方感
化神民懷老胡再拜稽首獻天子壽願天子與天地相似老胡歲歲舞蹈
玉墀下跪進玻璃杯

仙人詞三首

玉府仙人冰雪姿生來卽遣侍瑤池五雲隔斷塵凡路說着人間總不知
上帝宸居儼肅森九關虎豹立峯峯羣龍自有三珠樹不見扶桑水淺深
東海鯨鯢白晝游南溟風浪湧吞舟三山亦在滄波裏自是神仙未解愁

吳歌六首

儂做春花正少年郎做白日在青天白日在天光在地百花誰不願郎憐
蛾睂二八不曾愁有色無媒郎不畱月裏蟾蜍推落地幾時再得廣寒遊
栽花圖作看花人誰料花開不及春昨夜狂風今夜雨爲花落得兩睂顰
莫信登天不要梯莫信築雪可成堤五更老鴉樹上叫有人剛道是雞啼
樹頭掛網枉求鰕泥裏無金空撈沙刺漆樹邊栽枸橘幾時開得牡丹花
六月栽禾未是遲死中求活是高基夕陽若有回頭照遮莫黃昏一餉時

采蓮歌

采得紅蓮愛白蓮雙橈快轉怕人先爭知要緊翻成慢菱葉中間絆却船

竹枝歌 三首

相思無益莫相思贏得霜髯換黑髭明月自圓還自缺蚌胎瘦減有誰知
榮華未必是榮華園裏甜瓜生苦瓜記得水邊枯楠樹也曾發葉吐鮮花
龍鬣在水虎在山登山入水早防閑別有一般真耐耐蝦蟇生在月中閒

江南曲 五首

江北垂楊未爆芽江南水綠萬重花北人盡道江南好江南總到便爲家
金陵好是帝王州城下秦淮水北流惆悵江南舊花月女兒盡作北歌謳

錢塘勝地作南都。絢綺如雲隘廣途。想得燕山風雪夜。斷魂相語怨西湖。
桃葉渡頭春水平。莫教城上曉鶯聲。中原無限英雄淚。併入江南送別情。
生長吳儂不記春。鄉音旋改踏京塵。丫頭小伎相偎坐。眾裏矜誇是北人。

山鵲鵲三首

黃茅塍上雨和泥。苦竹岡頭日色低。自是行人行不得。莫教空恨鵲鵲啼。
鷓鴣元是嶺南音。嶺北無人識此禽。南人唱歌過嶺去。北人相向淚沾襟。
山禽一處一般聲。不是鄉音便動情。多事江南子規鳥。天津橋上對人鳴。

楊柳枝詞

多事垂楊管送迎。長條折盡短條生。不知幾許東風裏。猶帶輕烟冒晚晴。

宮怨

何處春風拂苑牆。飛花片片入昭陽。多情尚有池邊柳。畱得啼鶯伴日長。

秋懷八首

涼夜悠悠華燈有。細淒風動林明月。在帷山川迢迢游子無。衣瞻彼原隰。
零露漙漙靡草不凋。無木不稀。不覩逝波。爲知昨非亭亭南山有蕨有薇。
黃華晚榮紫芝秋肥。歲云莫矣胡寧不歸。

陟彼高原望美中陵玄商夕振白露宵零蔚彼茂草化爲枯莖我有素琴
玉軫朱繩彈爲陽春旭日滿庭愴恨興懷悲來填膺子期逝矣其誰汝聽
嚶嚶草蟲慄慄其股歲莫如何爾獨良苦瞻望日月綿綿我愁如彼逝矢
一往不畱嗟爾小子時不再得匪緝曷魚不藝胡稷蕭蕭草蟲烈烈其音
歲莫何爲祗攪我心

中庭有棗纍纍其實零露旣降歲事孔疾循彼階軒有鳴蟋蟀豈其聲發
而不粟烈南山峯律松柏蕭瑟彼蘭斯猶彼枳斯橘安得羽翼載飛載鳩
汎濫八荒以終永日

有蟪蛄者螢載飛載揚有倬雲漢載炳其章日月易徂玄夜何長繁思交橫
浮念無方慨懷占人中心怛傷離婁冥行歷坎而僵循墻以趨雖瞽不俚
猛虎雷咆斑文在床妖狐鬼潛蠢蠢黃黃悠悠多岐蕩蕩周行慎爾馳驅
天命有常

夕簾旣清餅水旣寒沿歎臨風憂來多端懸崖而棲瞽以爲安管茅在門
蒙以爲蘭黍稷弗膳腐鮑是餐干將掛壁敝屣加冠宛其悲矣能不永歎
鬱彼晨煙亦曼于楚瑟彼枯楊策策其語良辰幾何亦旣徂暑溥彼郊原

有禾有黍淒風之興雁驚如雨

今日何日歲聿其秋候雁北來星火西流懷我故鄉道阻且脩俯察淵潛仰睇天游孰翔匪爲孰躍匪虬瞻望日月中心如抽豈無美酒焉得良儔矢詩不多聊以解憂

有鳥一首贈袁尚志

有鳥有鳥薄言綴之君子至止何以樂之有酒湑湑亦盈于觴明月照帷清風滿堂我酒旣旨我儀有秩言念君子溫如其日有鳥有鳥載好其音君子之洽如瑟如琴有裴有翼有勸有飭古訓是式大猷是力有粟者璧瑕則磨之有紉者絲色以說之如彼纖絃君子維經如彼鋒刃君子爲礪無爲夸毗無爲戚施伊我之債亦子之瘼此令朋友交相爲助匪中式乎俾奸作惡有酒在觴有琴在堂酌言鼓之心焉孔臧有鳥有鳥載翔載飛豈弟君子式昭令儀余不厭修學不厭多既酌以酒復相以歌

擢彼喬松

擢彼喬松在彼丘阿歲莫淒風颯爲枯柯憂來傷心云如之何瞻彼昊天曷其有宜天降淫德鋪于下國稻粱黍稷暨于蟪蛄不稼不穡寇攘以食

哀此下民曷其有極心之憂矣如烹如煎喪亂靡底如淵如泉如彼與草
孔蔓以延嗚呼昊天伊誰之愆有尉者曩曷施于宇胡晉于林覬彼魴鱖
小人所憮君子所與弗詢弗猶曷其有愈君子不畏亂日以熾君子不憂
亂日以悠正言謬謬諂言諾諾歎言孔怡喪亂所基邦家維車庶民維與
庶僚維服大臣維御爾爾驅馳俾險作夷無然沒沒無俾車債無曰予知
民各有思無曰予聖庶民孔競無競維德四方之則無爲回適以縱枉慝
瞻彼高原翳翳其雲朏彼大水浩矣無津嗷嗷飛雁各念爾羣哀我人斯
胡背以淪莫高匪天莫明匪日何纖勿冒何昧勿晰維此聖人庶民是葵
維彼愚人則各有謀原隰之瘁夫婦云之閭巷之呻君子聞之弗聞弗惟
則各有思式誦式詈膈腸以離穀斯之批農以爲殃匪鷹匪隼曷云能翔
維天有船不可以航瞻言顧之心焉惻傷相彼茂草飛鳥依之淠彼深淵
魴鯉歸之靡依靡歸胡能勿悲我有隱憂人莫之知中途有棘庶民伐之
執訊弗篤君子盟之不贖不孽孰填爾聰靡瞻靡顧自貽伊慝如彼沸鼎
無增爾薪無從爾言以述遠人邇人營營遠人兢兢弗訛爾心曷其有懲
嗟爾君子戒愼爾止靡謙不光靡盈不毀維山有杞維澤有芷庶民所履

維君子使陟彼高原維風颼颼靡草不凋無木不劉憂來傷心如焚如抽
瞻仰昊天曷其有瘳

感懷二十四首

驅車出門去四顧不見人迴風捲落葉颼颼帶沙塵平原曠千里莽莽盡
荆榛繁華能幾何憔悴及茲辰所以芳桂枝不爭桃李春雲林耿幽獨霜
雪空相親

誰云魯酒薄邯鄲被戈矛楚館困兩君乃爲馬與裘舉世共如此太息復
何尤振衣箕山頂引領望許由終然不可見涕淚交膺流
古人盜天地利源不可窮今人盜農夫歲莫山澤空紛紛九衢內連袖如
長虹共笑沮溺鄙各事游冶維悠悠方自此袞袞何時終

啾啾草間雀口隨黃口飛爭先赴稻粱寧顧野人機便便善柔子懷利近
相依但慕春漢好不見秋霜霏驅車逐走鹿中路忘所歸豈不愛其躬天
命與心違古道今已矣感寤空涕歔

柔桑生中國婀娜當陽春下滋靈泉液上承膏露津美人望蠶月傾筐競
明晨榮盛方及時采將一何頻枯根不盈拱何以禦霜辰復聞芻蕘子磨

蝸待爲薪冥觀成感激踟躕含酸辛

伏枕候明發夢遊滄海中中有萬斛船蕩漾隨天風舵師兀昏睡環視立

衆工波濤正洶湧欲往迷西東寤寐惕驚起魂魄猶忡忡

蘇秦佩六印賓從何縱橫當時機中婦倩笑遠相迎黃金生意氣蠶蠅見

人情豈無算瓢士今爲時所輕

種樹當中庭不識美與惡微陰未盈戶枝葉猶在弱一朝根柢成延蔓蔽

樓閣離披引刺蚝蒙昧喧鳥雀毀垣施斧斤得喪亦相若萬事不早謀日

暮徒駭愕

東園多桃李擢除何交加春秋互逝代衰榮競相夸撼撼去故物英英發

新花花謝葉復作空令人歎嗟

翡翠翔江湖亡身爲毛羽不如道旁李尚得滋味苦驅車上太行還顧望

梁甫高岡多烈風茂林化爲岫空餘淵底藤蒙龍蔓煙雨

戔戔蓬萊山渺渺大瀛水神仙有窟宅亦在玄黃裏大壑多驚風不辨龍

與鯢吹沙乘波出洶若鯨鯢起陽侯貫深淵海若汨泥滓馬銜恣饒食罔

象潛瀟詭誰能報王母弱水不可履羲和近虞淵日暮空已矣

射于生曾崖不識寒淵陰池
照貫安流寧知江海深殷王相版築垂名耀

來今後世重閼闕田野多呻吟

鰕魚湧姑射月暈滄海風鯨
鯢吐高浪白日寒瞳瞵神仙下天闕左右翳

玉虹金盤薦麟脯翠蕤擁青
童酣歌殷溟徼魚鼈相噉嚼忽然乘雲去寥

落寒江空

朝登會稽山逍遙望南訛禹
穴已蕪沒禹功長不磨惆悵感往昔沉吟發

新歌誰言專車骨冠弁高峽
峨爲虺且復爾爲蛇當奈何天門隔虎豹空

悲涕滂沱

結髮事遠遊逍遙觀四方天地
一何闊山川杳茫衆鳥各自飛喬木空

蒼涼登高見萬里懷古使心
傷竹立望浮雲安得凌風翔

芳樹生丹崖綠葉如雲烟上
枝蔽光景下根蟠九泉朝涼暄衆鳥夕陰壑

鳴蟬豈不盛容色及此陽春
年西風吹白露點綴庭堦前繁華坐銷歇枝

葉空相捐世情多反覆天道
有推遷金屋擅嬌寵長門閉神仙獻賦亦已

晚徒悲淚如泉

我有綠綺琴其材出空桑金
徽映玉軫音韻瑯琊上絃感薰風下絃來

鳳皇世耳不欲聞子期今則亡願持獻重華路阻川無梁

孟軻去齊魏賈誼之長沙聖賢良已矣吾道空咨嗟徒言青松枝不如桃

李花太息安陵子知時爲世誇

客有持六經翩翩西入秦衣冠獨異狀談舌空輪囷獻納竟何補焚坑禍

誰因昂昂採芝士矯矯蹈海人龍驤九淵外豈復嘆獲麟

白壁閼頑礪淪晦同泥沙朽壤生夜光見者咸驚嗟君子分寂寞小人互

矜誇枯瘁若秋蓬鮮豔如春華狂風忽簸蕩飄落歸誰家

象以齒自伐馬以能受羈猛虎恃強力而不衛其皮世人任巧智天道善

盈虧不見瑤臺死永爲天下嗤

晨登吳山上四望長歎嗟借問胡嘆嗟狹路險且邪子胥竭忠諫快目爲

夫差宰嚭善逢迎越刃復相加守正累則多從人禍亦奢遭逢貴明良不

爾俱泥沙

壺公下天闕聊以觀世紛賣藥汝南市時人俱不聞顧此非我徒飄然乘

白雲方駕雙虬龍被服九霞文但見北邙阪峩嶷盡高墳

種苗甫田中其葉何離離上天降高澤溥博無偏私人力苟不至不如茅

與茨常恐嘉實晚坐傷零露茲徘徊感節序太息秋風時

詠史二十一首

凱風扇朱夏草木生清涼卧疾滯幽曠白日悠且長散帙觀古人喟焉想
虞唐陽春能幾何陰氣多繁霜天道諒悠悠人理亦茫茫詠歌寄深情歌
罷增慨慷

神樞幹元化循環運陰陽善惡隨氣異禍福竟何常朱均繼堯舜時事已
搶攘至人妙轉移龜臆回晶光祥麟踣大野君子徒慨慷黃星照中原天
道遂披猖汗漫千百年流潦浩湯湯否泰有傾覆霖雨見朝陽惜無風與
牧乘時佐羲皇熙熙返大樸濟濟垂衣裳鼎湖去不復歎息空哀傷
野馬不食食鹽受組與羈低頭衡軌下各自東西馳秦人任法令斬艾尊
君師六合始一家恩愛已乖離一旦山東客揭竿以爲旗叫呼驪山徒天
下響應之素車拜輶道誰復爲嚆者

周昌勇廷諍子房善奇謀王陵抗高議平勃終安劉經權兩不廢道立知
亦周煌煌東都士節義明清秋孰知讒佞巧舉足觸戈矛顧此悲世運滋
然涕交流

食毒偶不死謂言莖可餐墮河偶不溺謂是天所完侈心不自顧利欲紛
多端百勝困一蹟名滅軀體殘君子戒微幸小人樂災患不見瑤與羽千
載遺悲酸

燕昭志報復金臺求俊賢下齊如破竹大恥雪九泉六王死灰人安可與
比肩奈何驕氣盈妄想彼神仙安期不可致卽墨火已然煌煌召公業委
棄如浮煙

天狗吹梁野七雄扇妖氛吳徒二十萬剽若狼虎羣鼓行破棘壁長驅似
輕雲漢將三十六朱旗耀大垠收梁不奉詔太尉真將軍遂令千載下知
人稱孝文哀哉潼關戰百萬徒紛紜

平居觀羣物紛紛爭朵頤口舌不能勝兵戈遂相隨古來豪傑士于今安
所之大運一朝至孰分賢與蚩所以四老人去采商山芝清風扇六合百
世真吾師

景公返雀煖晏子稱其仁鰥寡既有室長年不負薪焉知子玉節遺禍逮
天倫推恩限目見太息此君臣

田橫不事漢勿頸送咸陽一客旣穿冢島中皆自戕雖非中庸道要亦有

耿光英雄久淪沒，
世俗但炎涼。嗟嗟翟廷尉，
慷慨令人傷。

吾聞共工臺，乃在崑崙北。
長蛇戴九頭，利吻錯戈戟。
哇呀恣啖食，抵厥咸溪澤。
嗚呼三閼沮，可以警貪得。

四七續炎運，漸臺殲狂新。
建侯首褒德，拳拳念生民。
富春有遺老，終竟不爲臣。
遂令節義士，視身若埃塵。
前車屢折軸，後駕無廻輪。
不有錮黨禁，何由起黃巾？
爲邦貴知本，明主宜書紳。

建光悖祖德，封爵逮閹豎。
忠良坐荼毒，憤涕盈道路。
南巡旣不返，狡窟寧久固？
功成十九侯，事已非細故。
泥關用骨鯁，乃以浮陽疏。
中官既世襲，山陽更嬌妬。
時事亦可知，君子獨未寤。
美哉吳長史，衡門掩秋露。

當途亂天紀，赤帝懸空名。
寧知辟榘日，禍機已潛萌。
晉主念私勞，荀馮巧相迎。
撫床竟不寤，骨肉成覲鯨。
好還實大道，狙詐徒人情。

香餌獲死魚，重賞致死士。
自古以爲訓，世俗寧知此？
陳湯困刀筆，壯夫皆切齒。
如何中興主，終竟惑慧苴？

隋帝易廣勇，天命以不長。
唐宗昧治恪，本支竟摧戕。
聖人有達節，變通亦何常。
禹湯不同跡，萬古皆明王。

永嘉昔潰亂南渡馳五馬長江畫天塹九廟扇灰地豈無運甓人亦有誓
江者皆池不揚波靈物棲曠野哀哀黍離淚空向新亭灑

華門翳蓬蒿窮巷絕馬跡中有抱膝人疏櫺不充食榮華過浮埃敝服無
愠色獻玉鄙下和扣角羞奔戚天潢不垂雲中夜起歎息

吾愛閔仲叔幽居翳茆茨應辟思濟世利祿豈其私進當致堯舜退則老
蒿藜焉能犬馬姿以爲天下嗤

美人皎如玉扶瑟升高堂泠泠向長風操作孤鳳凰曲度未終竟玄雲蔽
穹蒼走獸駭赴林飛鳥號且翔高山與流水日暮空淒涼

夫差卧薪日勾踐嘗膽時人生各有志況乃身踐之寧知姑蘇鹿已與西
施期空令千載下痛恨於鴟夷

遊仙
九首

日月如過翼瞬息春已秋何不學神仙縹緲凌虛游雷霆以爲輿虹蜺以
爲輶清晨登開風薄暮宿不周長嘯曾城巔濯足翠水流俯視八極內擾
擾飛蜉蝣

今日何不樂振策登高山深林仰無見藤蔓陰以繁鼯鼯繞樹啼黃鵠空

飛翻攬轡向西北思欲赴崑崙瓊樓十二重
豹虎夾陛闢青鳥去何之誰
向王母言徘徊歲華晚感激生愁怨

岐陽隱孤鳳寰海騰蛟蛇不食松柏實而采
日及花翩翩下史望望之
流沙麻姑何爲者乃降蔡經家神龍集沔澤
取笑於魚鰕

費生市井兒未嘗識神仙偶然虛中去謂是
別有天幻化且不解眞語安
能傳那將食色身妄弄刑賞權果然失符後
眾鬼不見憐

天高河漢清露白秋宵永朝華炫紅芳蟪蛄
爭馳景繁思靡志卽內疚積
心梗涉江無方舟汲井悲短綆歲暮霜雪寒
泣涕沾項領

秦皇煽虐燄烈烈燔九州平原曠如赭鴻鵠
安所投所以避世士慨想乘
桴浮樓船載偃子去作汗漫游何必蓬萊山
遠人卽瀛洲虎視徒逐逐竟

死於沙丘

娟娟姮娥女灼灼芙蓉姿一入月宮去千秋
閉蛾眉涼風清玉除碧雲生
桂枝鳳歌不可聽長夜有餘悲

晨登女床山西北望崑崙崑崙樓臺似霄漢
金碧氣魂素女三千人灼若扶
桑暎鸞笙引鳳舞雲旒隨霓旛老童發清歌
昌容戲紫鵲神荼獻丹桃洪

崖開玉尊蜚廉漫崔嵬建章空千門

大道久已晦誰能識仙真如何賣藥翁怪語驚市人日月空明照朝菌非
大椿已矣復何道去去生愁辛

感寓六首

暑退生夕涼褰衣步微月風來竹陰動草暗螢光發佇立忽懷人江河渺
難越

庭前金鳳花向晚爭媚嫵但見白露滋豈知繁霜苦芳時良可惜此物何
足數

白露下木葉淒涼江海秋江皋有鳴雁嗷嗷安所求稻粱日蕭索風雨徒
離憂

一日復一夕一夕復一朝青燈向暗壁光燄坐自消羈鷹鍛六翮絕意於
雲霄

嚴霜隕異草蛇虺去所依可惜蕙蘭花與之共頽萎顧此悲世運泫然涕
交頤

淒淒素秋霜冉冉高原草運窮相值遇黜顏就枯槁浩歎采薇歌慚愧商

山老

招隱五首

浮景無根株逝川不可留昨日蒿草春今朝蓬梗秋鼎食豈不美耽毒潯
戈矛華軒豈不貴長路能摧輶子胥棄吳江屈原赴湘流韓彭竟伯醢蕭
樊亦累囚何如張子房脫屣萬戶侯深韜黃石略去從赤松游

秦皇火六籍蕞綺之商山漢帝握乾符羊裘竟不還古來避世士冥心丘
壑間於時苟無用安事空摧顏石泉清以芳白雲寒更閑春蔬雜甘辛秋
果羅青殷濁酒晚自酌柴扉晝恒關嘯歌陟崇岡濯足臨潺湲金馬我何
榮羊腸我何艱鴻鵠翔九霄邈然不可攀

豫章長千仞挺生崇崖陰布葉連青雲交柯蔽曾岑結根豈不固斤斧將
見尋有栢生石間屈曲叢灌林古根鬻飛潛雷火焚中心大不中梁柱小
不堪瑟琴風霜自搖落假寒獨至今

流水千百折白雲三四峯上有噴壑泉下有凌霜松中有一老人坐嘯巖
間風素髮垂兩肩朱顏映青瞳年紀將百齡容貌如孩童長跪前致辭子
非列仙翁笑謂汝孺子語汝使心通我生不偶俗遺身在蒿蓬結廬白水

邊采藥青林中世語我不接世士我不逢
簞瓢我不憂軒蓋我不崇自耕足我食自息
安我躬冥冥絕思慮默然全和冲持此攝
吾生仰荷元化功何必插羽翰遠逐浮丘公
再拜受斯言廓然如發蒙投簪謝知己一去無
回蹤

有客歎我廬身披紫雲袍鳴騶列前後從者皆俊髦
坐我蓬華下向我談伊臯手幹北斗魁足踏東海鼇
高視六合內泰山等毫毛揮袂起謝客且還飲我醪
醉臥不知曉衡門寒蓬蒿

列朝詩集

甲集前編第一終

列朝詩集

甲集前編第二

劉誠意基復讞集古詩一百十八首

雜詩三十三首

小魚頭如針大魚鬚如松小大各生育孰私天地功
坤靈發淫怒溟海簸驚風大魚食小魚陂池爲之空
陂空水一竭小大相險喝但見灌莽間頗骨成嵒巖
殘膏飢螻蟻孰辨鯨與鯢

饑婦厭貧夫常懷相棄心慨慕東家子年少多黃金
輕身改西託布被爛錦衾寧憶秋風起霜露棲繁林
葉落枝亦盡愁聞蜻蛚吟

雲月雖不明精魄固長在飛蛾亦何知乘時妬光彩
天高多飄風煙霧中靈鍵紛紛墮蒿棘終竟爲何罪

人生如浮雲飄搖無根蒂昨暮青山阿今朝滄海濫
風波無定時淪躋難爲計是中苟不爽曷問耿與翳
申胥存楚國仲連却秦帝此士雖則亡英名千萬世

渴人常夢飲饑人常夢餐中宵羈旅夢兩臂生羽翰
騰身入紫青吹面天

風寒驚覺藥毛髮感手清泚瀾

吾觀神龍變天地爲晦冥龍成宰元化嘉澤浹四溟出山不飄風入水無
震霆枯萎仰沾溉沃若生葱青豈比蜈與輪裂石摧嶽陁俾民舉疾首撫
神蹙蒼頭

鷹本是鷲鳥爪利翮勁疾胡爲化爲鳩鈍拙無與匹棲遲荆棘間粒啄營
口實暮啼墻角雨朝啼屋頭日昔爲衆鳥畏今爲衆鳥啞運命苦不常孰
爲金石質

愚公志移山精衛思填海山高海茫茫心事金石在松栢冒雪霜秀色終
不改春陽熙幽林卓立有光彩

急雨漲潢潦溝池成五湖青蛙與耿叟得意鳴相呼自謂樂無似至足不
求蓬萊有玄鶴曾見東海枯清夜唳長風哀音繞天衢使我起太息黑
髭變霜鬚

惟豺知祭獸獺亦知祭魚豺獺有報本人道當何如華堂飫玉食盜賊塞
中途那能不自媿而以耀庸愚吁嗟千載下枯骨空專車

雷藏蟄蟲伏雷動蟄蟲起蟲雷不相期冥契非人使英雄應有時何異類

致蟻神劍無風胡銅花蝕泥滓

陰崖有喬樹乾鵲巢其顛朝食葉上露暮食葉下蟬巢成長衆雛鳴飛一何嫺但願本根固風雨得安眠如何就搖落而不抱悵悵

蒼蠅眼晝明蚊蟲眼夜明明眼利口觜晝夜無時停拍死紛紛籍籍飛來更營營一旦霜風起狡威肅天刑飛者不復飛鳴者不復鳴雖有太陽光不能煦其生乃知天勝人智力徒鬪爭

豺狼食人肉蚊蟲食人血食肉死須臾食血死不輟哀哀露筋女肉盡惟皮骨誰謂蚊蟲微積鏽能銷鐵

蟲母羽蟲孽與人無怨尤胡爲含毒害吐蚊吼如牛紛紛散草澤解解森戈矛無辜受螫蟲皮破腥血流覆巢或有令未應後鵲鵲

黃鴈食鳥雀山雞食蟲豸蜂食花上蜜蝦食苔間滓免食茅草根鳳食梧桐子所嗜由性成易之則皆死冥觀付一笑誰與窮茲理

魯陽仰揮戈羲和爲紆轡耿恭俯拜井湧液出荒地精誠所感格高厚靡不至人生亦良難如何殄其類蓬蒿滿六合慚愧眞宰意

在昔信陵君謙勞實弘度好士天下稀賓客遠傾慕救趙奪兵符掃清邯

鄧霧歸來存大梁秦甲讐東顧魏王木偶人朽心自成蠹讒言一以入危石不可據日落西河陰歌鐘怨零露

天鷗巢蒿艸形軀纖且微不知懷何事直上聞天扉啾啾終日鳴天聽不可希鍛羽口吻裂落日空悲歸

雉死爲從雌鵲死爲鬪力蜜蜂死戔憤鳴鳩死求食象犀好齒角玃豹美毛色紛紛死相藉殺身奉華飾自取夫豈過外至良可惻徇境合族烹梟賜宜卵殖山林久穢蒼誰復繼禹益

殊俗甘胸臆比之芻牛腴殷勤奉賓客自謂敬有餘鵲嚇雖異貫亦惑誰能祛霸陰蔽玄象清渭混汙渠誰能繼夏后再分龍與魚

大星出西方睽睽如明月兒童驚指示草木見毫髮夜久斗柄迴人靜涼風發徙倚步中庭空烟散成雪

楚人將適蜀揚帆信江水江闊多西風帆逸行不止日暮入海濤極目無涯天京魚次高浪咆折檣竿圯頓足空號呼煙波千萬里

沖霄難爲羽泛海難爲舟縛羊駕我輅猛志空悠悠農時失耕耨何以望有秋決藩盜殺粟鷹隼不如鳩韶華不我與去若川水流歲莫獨彷徨凜

凜懷百憂

爰居避風翔豈與衆牲祀臧孫強自用取笑於君子拾蟲養鳳凰將以爲觀美徒令羣翟畏長逝深林裏

桓溫一老兵豈識捫蝨士擁衆臨上流竟作跋扈寇符堅氏羌豎何能作天子耽耽視中原爲有景略耳知人聖難之求賢在虛已袁曹豈力敵生死一彈指惆悵後來人慷慨前車軌

英英木槿花振振蜉蝣羽乘彼三秋露及此六月雨容好能幾時生成亦良苦十年構阿房一日化爲土染鬚作童顏於身竟何補不如順天命保已良多祐

天地若大甕萬物生其腹人猶腹中蟲蠢蠢隨化育鑽攻無時休臟腑爲翻覆帝青調元氣豈不畏我毒皓然命滌蕩汗下兼湧衄蚩蚩自狂狴庀沸交殺戮何當瞑眩定風止水歸瀆鑄鐵作鋤犁春耕待秋熟

二儀播元氣晝夜靡停機有生卽有死化工亦何私彼狂牽所欲冥行失康達無航思利涉發此百禍機賊人還自賊擾擾竟何爲

郭南有窮夫黃髮對老妻見人抱兒女仰面看天啼郭北有宕子鮮服明

春閨累累倚門親疏茹之揠醞盛年興欣戚薄暮空噬臍達生貴知命胡
爲苦悲悽咬咬水中鳬谷谷墻下雞良無返哺望乳菀何棲棲冥目思此
理惆悵中自迷

老眼眯昏夜見螢以爲燈燈螢何足辨所悲老且膏膏老復何用甘心就
無能逍遙麋鹿願所得良已弘

海鯨乘扶搖激水騰九曼退潮觸泥沙顛骨空嶙峋猛虎掉尾行飲血不
滿唇跳哮逞雄攫係首八尺緝賦命雖在天成之亦由人嗟嗟燈上蛾亦
豈厭其身

夷齊值明時餓死西山陽四老生亂世采芝以徜徉李業遇公孫欲蓋反
受殃嚴陵辭故人萬古清名揚也實有命君子順其常漫漫雲間鳥冥
冥隨風翔海宇豈不寬六翮有短長浩歌向日月曲盡意茫茫

種蘂香

懷香體虛柔本自南土出毛散纖葉旖旎怯朝日芳菲挺衆卉辛美更
無匹況能已疢癢兼理腸胃以種之近庭階離離看新茁驅童斬竹枝扶
植待秋實常恐風雨惡摧折弱質疾藜生道傍延蔓何綿密豈無荷鋤

人夕薙旦已出上天意何如感嘆靡終畢松柏多斧斤山林日蕭瑟

北上感懷

倦鳥思一枝攬馬志千里營營勞生心出入靡定止伊余朽鈍材懶拙更
無比才疎乏世用嗜僻惟書史雖非濟時具頗識素餐恥既懷黎民憂安
意古人企寧知乖圓方舉足輒傷趾塵埃百病侵貧窶萬感累艱難幸息
肩遲莫竊所喜明時登驥駑驚馬但垂耳自非冀北姿莫羨追風駿便欲
解衣冠躬耕向桑梓終懷葵藿戀不慕沮溺詭潛陽動原隰白日暖蘭芷
時雞戒晨明客子駕行李縈紆越巘嶠浩蕩涉風水淹留具區止信宿滄
江圯餘時連年歉道路多流徙官司職撫字黔首皆赤子陳紅太倉米豐
年所儲待爲民備乏困朝廷豈私此推餘補不足茲實王政始臣子宜奉
奉天威不違恩奈何簿書曹暴慢蔑至理苟云出納吝當閔穀觫死嗚呼
草莽露慘惻溝瀆委聞之猶鼻酸見者宜顙泚踰淮入大河淒涼更難視
黃沙渺茫茫白骨積荒蕪哀哉耕食場盡作狐兔壘太平戢干戈景物未
應爾意者斯人徒縱欲擾天紀鬼神赫震怒咎戾良有以去年人食人不
識弟與姊至今盜賊輩嘯聚如蜂蟻長戈耀白雪健馬突封豕豈惟橫山

澤已敢剽城市途行絕稀少空車但墻倚身行須結集一寐四五起牧民
豈無人司寇亦有氏陣車不驅馳大田無耒耜邦家祿食恩豈爲臣奉已
山東古要地燕趙猶唇齒况茲南北衝津梁通遠通屬當全盛時四海同
一軌廟堂多稷契振舉無遺施勿云疥癬微不足成瘡疔酒天起濫觴炎
岡發星烜虞朝有分北漢庭煩直指農夫植嘉穀所務誅稂莠耕耘苟失
時雨露空沾灑威懷豈異任守令職非庀端能慎黜陟此輩何足弭故鄉
隔山川前途寒荆枳青徐氣蕭索河濟俱泥滓痛哭賈生狂長歎漆室煙
何當天門開請問逮下里

過東昌有感

夜發高唐灣旦及東昌郭喬樹拂疎星霜飛月將落仰觀天宇清平見原
野廓白楊號悲風蔓艸杳漠漠但見荆棘叢白骨翳寒籜聖道懸日月斯
人非虺蜥教養旣迷方欲熾性乃鑿展季骨已朽清風散藜藿絃歌滅遺
音爾絲盡籠絡鳴嘯颺颺憑蛭蟲鳴艸蟲躍遂令一變姿化爲陌與蹻况聞
太行東水旱荐爲虐饑氓與暴客表裏相倚着賑恤付羣吏所務惟刻削
征討之良謀乃反恣剽掠坐令參苓劑翻成毒腸藥今年秋租登行止稍

有託餘波尙披挹未敢開一噓但恐習俗成何由返初昨藩宣有重寄胡
不慎遠略往者諒難追來者猶可作歌詩附里謠大猷希聖莫

晨詣祥符寺

上馬雞始鳴入寺鐘未歇草際起微風林端淡斜月僧房湛幽寂假寐待
明發松徑斷無人經聲在清樾

發安仁驛

雞鳴發山驛天黑路彌險烟樹出猿聲風枝落螢點江秋氣轉炎嶂濕雲
難斂竹立山雨來客愁紛冉冉

初食檳榔

檳榔紅白文包以青扶留驛吏勸我食可已瘴癘憂初驚刺生頰漸若戟
在喉紛紛花滿眼岑岑暈蒙頭將疑誤腊毒復想致無由稍稍熱上面輕
汗如珠流清涼徹肺腑粗穢無纖留信知殷王語瞑眩疾乃瘳三復增永
歎書之遺朋儔

早發建寧至興田驛

雞鳴戒晨裝上馬見初日露滋葉尙俯霧重山未出客途得霽景緩步非

才集卷中前二
五
縱佚矧茲歲有秋高下俱頽粟牛羊散原野鵝鴨滿阡陌懷抱既夷曠神情自清謐寒花蔓籬落候蟲響葉密霞標青楓林雪綻烏柏實幽覽雖云遠佳趣領已悉我行固無期況乃塵事畢

題朱孟章虞學士送別圖後

秋郊一杯酒握手念將離落日照野水涼風生樹枝今朝重相憶青山如舊時鬚毛非松栢爭得不成絲

在永嘉作

高屋集飛雨蕭條生早寒我來復幾時明月缺已圓浮雲蔽青天山川杳漫漫狐狸嘯悲風鯨鯢噴重瀾孤雁號兩飛音聲悽以酸顧瞻望桑梓慷慨起長歎願欲凌風翔惜哉無羽翰中夜百感生展轉不遑安枯荷響西池槁葉鳴林端寥寥天宁空冉冉時節闌舉俗愛文身誰識章甫冠河流未到海平陸皆驚湍旗幟滿山澤嗚呼行路難

癸巳正月在杭州作二首

徘徊西湖上愴恨有所思所思不可見涕淚下沾衣死生一瞬息逝者安可追狼暉信君子李陵非男兒

礮鐵當用椎析薪甯用斧拔蓼而植荼
與虎微微螻蟻忱懔懔不得吐

去辛還得苦峨峨九陽門衛以豹

登卧龍山寫懷二十八韻

暮春時雨餘原野皆秀色流雲暖芳甸
登陟山川糾紛錯疆畎互紆直淒涼神
小啓雄德霸氣浩江河王風散荆棘感
濟中原未耕織無能事蕭曹妄意追契
復幾何白日忽中扶周流睨圓方俯仰
宗社固神靈至尊實恭默殷土伐鬼方
竄殛天戈向無前况乃誅鬼蜮竊聞海
懼官未識朝廷鑒往轍中自誅貪悞主
俊矯矯百夫特愚生諒疎拙千慮與一
戒懷歸伐檀慙素食白雲在青天可掞
不可卽浩歌梁甫吟憂來憑胸臆

贈柯遂卿首并序

今年夏四月余至台聞柯遂卿抗言釋
誣囚事甚異而偉之夫天下之大

豈無慷慨激烈之士見義而勇爲之者哉其作也非有私其進也非有求觸于其心形于其言發于其言信于其事可不謂之大丈夫哉惜其晦而弗彰也於是乎爲之詩曰

雷霆蟄神威妖蜃躍海濱將軍戰敗死主帳空無人腥涎之所被蛭蝨皆蛇鱗天弧不張弦民情曷由申縣購亦令典素行在明仁誰令姦宄徒並緣逞頑嚚俄然齒髮軀化作豺狼身割金旣無畏沉復枉平民壯哉柯夫子義氣衝九旻曳裾公府門抗論回星辰坐令霜雪間朽骨生陽春睨視夸毗兒精魂散飛塵我忽耳聞之肝膽張輪囷安得似卿輩落落千百人出應休明時翊贊臯陶臣旌別鸞與梟再使權衡均上天意茫茫感歎空悲辛

贈周宗道六十四韻

天弓撥其弦平地躍虎狼腥風扇九澤濁霧干太陽瑣蛟與蝨亦沸如蜩螗帝閭隔蓬萊弱水不可航螻蟻有微忱抑塞無由揚遙遙草茅臣終切忠憤腸披衣款軍門披腹陳否臧曰走居海隅詩書傳世芳感荷帝王恩祿食厠朝行走身非已軀安得緘其肮走有目擊事敢布之廟堂永嘉

浙名郡有州曰平陽面海負山林實維甌閩疆閩寇不到甌倚茲爲保障
官司職防虞肅念懷善良用民作手足愛撫勿害傷所以獲衆心卽此是
仞墻奈何縱毒淫反肆其貪攘破廩取菽粟夷垣劫牛羊朝出繫空囊暮
歸荷豐囊丁男跳上山妻女不得將稍或違所求便以賊見戕負屈無處
訴哀號動穹蒼斬木爲戈矛染紅作巾裳鳴鑼撼巖谷聚衆守村鄉官司
大驚怕棄鼓檄旗鎗竄伏草莽間股慄面玄黃窺伺不見人喘汗走倏倏
可中得火伴約束歸營場順遂劫寡弱又各夸身彊將吏悉有獻歡喜賜
酒觴殺賊不計數從橫書薦章民情大不甘怨氣結腎腸遂令父子恩化
作叢與嶂恨不斬官頭剔骨取肉嘗繫繫野田中拜泣禱天皇願得賢宰
相飛牋奏巖廊先封尚方劔按法誅姦賊擇用忠蓋臣俾之提紀綱鬱弧
落鵲巢難棘出鳳凰尙可存子遺耕稼納官倉失今不早計如水決隄防
而後事堙繁勞費何可當走聞疽初生灼艾最爲良炊成施剗割所憂動
膏肓邊戎大重寄得人則金湯襲遂到渤海盜賊還農桑張綱入廣陵健
兒跪如羊苟能任仁智勿使儉邪妨孟門雖險艱可使成康莊走非慕爵
賞自鬻米薦揚痛惜休明時消息無其方又不忍鄉里鞠爲狐兔塲陳詞

未及終涕泣下滂滂翫觀髮上指側聽心中傷天路阻且脩不得羽翼翔
可憐涸轍魚待汲西江長況有蛟與虬磨牙塞川梁旄丘靡與同載馳徒
慨慷嚴冬積玄陰天色慘以涼衆鳥各自飛孤鸞獨徬徨冥冥雁山雲木
葉殷清霜子去慎所過我亦行歸藏

遣懷

鴻鵠會高風拂翼凌雲霓蛟龍不得水葺鱗困塗泥惟昔望諸君一戰舉
疆齊秦穆伯西戎能用百里奚傳說藥商巖太公釣磻溪韓信寄食飲孔
明躬耕犁立賢苟無方曷問驚與驚驅車上太行峻極不可躋重雲蔽層
岑流潦絕荒蹊豺狼當我嗥魑魅向我啼顧瞻望九州欲去惑東西嘉穀
委蔓草良田養蒿藜乘黃避跛龜狐貉騎虎貍誰言縱壑魚竟爲觸藩羝
長夜起嘯嘆邪氣憑我臍夢登舜蒼梧遙望禹會稽援琴奏將歸日暮增
慘悽盲颯正滄勃孤鳳將安棲

四月二十二日郊外游得水字

草根螻蛄鳴湖上蒹葭靡繁林溺深綠清池散圓紫離居昧節序陶情賴
佳士泛舟出郊甸緩步信所履壺觴展倡酬及此晴日美嘯歌望山川慷

慨集悲喜豺狼未鼎鑊郊野尚多壘鐵衣掛儒冠好爵速麻屨吾儕辛味
苦得似道旁李無思身外憂適意聊復爾歸雲入禹穴返照射宛委鳥啼
樹有風帆過烟生水興盡各言還月明城角起

遣興二首

積雨兼數旬天氣涼有餘青苔交戶庭始覺人跡疎地主多閒園可以種
我蔬兒童四五人蔓艸相與鋤既倦則歸休卧閱床上書無事且爲樂何
者爲名譽

迂疎乏世用矯情非所安投簪謝時輩聊得心中寬回首望故鄉枳棘日
以繁譬彼水上萍隨流且盤桓樓頭好山色晴雨皆可觀未知明朝事且
盡今日歡

久雨壞牆園蔬盡壓泯然成詩

晚歲逼豺狼漂搖去鄉土囊囊罄諸餽釜甌恒苦空開畦種蔬菜撥借荷
地主晨興率童稚樹藝躬僂僂瓠實正纍離茄花亦爭吐魚肉方絕爰恃
此富醢脯悲風吹江干浩蕩十日雨幽泉湧陰實高墉拆修堵蒼蔓壓泥
沙朱苞埋宿莽淒涼紫芝英乃與朝菌腐數奇值時危一飽不敢取力

有窮愁每望貧家聚青苔滿頽墻日暮空倚柱

次韻和脫因宗道感興二首

松柏守孤直不爭桃李色明星在青天有時化爲石春風車馬塵竟日翳
紫陌寧知禾黍地舊是土侯宅蓬萊有仙藥求之不可得霜風吹林木歲
暮徒淪淪

鉞刀方用世掛壁于將閒剪松養荆棘匠石空悲酸驅車陟太行日暮多
險艱玄木膠大谷脫粟貴琅玕魑魅攬人魂豺狼食人肝路遠無羽翼何
由得飛還

渡江遺懷

東風吹滄江白日照花柳山川半顯晦積雨晴未久青陽好氣候羣物競
苞剖農夫荷鋤犁各自登隴畝鴈鳩鳴相應陂水光瀏瀏天地起戈兵荆
榛塞原阜茲邦特按堵庶足憩奔走故鄉有園田委棄沒藜莠老母年八
十頭童齒牙朽癡兒始垂髻出入寡朋友衣衾雜絮毳羹食乏松菲饑然
多病身全家倚糊口那令更遠去憂念成疾首千金聘宿瘤顧謂西施醜
鹽車摧太行驂騑不如狗況我鴛鴦質困踣畏培塿濟河須巨舫將焉用

罽缶朱絃組琴瑟曷中洪鐘紐刻蒿射犀革空胎養由谷魏魏神祖烈乾
坤讓高厚蠡茲蛇豕儔乘間恣噬吼非無熊羆臣土產分左右更張吾豈
能習慣彼已狃鹿麋會傷虎宵邁警狸夙寤言亂心緒忽若醉醇酒疎賤
等蚍蜉捐軀復何有夷吾匪每生鞠育未宜負於恨憶松楸淚濕蓬鬢垢
道途正艱阻進退維宸曰何風一陳情何由達南斗

若耶溪查郭深居精舍

上人好山居人山惟恐淺紆餘涉淵沚結構依巖嶢岡巒外挺拔木木終
隱顯其前對鵝鼻突兀正冠冕其傍連木禾積翠森偃蹇後有獅子巖蒼
翠露巖巖春花炫陽林秋草馥陰岵高通雲雨過側見星斗轉桃源不遠
求箕顓安足踐我來三伏涼翳懷忽如展談經道心融聽法俗慮翦疎窓
夜深啓孤月掛遙峴空濛白毫光閃爍動崖巖何當此卜隣永用辭典酒
大熱遣懷

盛夏火用事長日不可堪熱汗發我膚如泉溢穹嶷清晨登樓望四野皆
紅嵐坡陀會稽山縹緲浮鬱藍何由作雨澤一洗暘與酣須臾玻璃盤湧
出琉璃潭雜氣若絳旂飄飄散空吟朱光焚九幽天氣痛以飴樹木首咸

五言古詩卷二
附鳥獸聲盡錯玄冥將禹疆側身入空龕淵蛇葺短鱗山竈灼枯臙悍熊
伏朝貶困龍縮秋蠶焦根裂植斷斃鵲蚌脯含水井爲湯池冶容成病頷
渡木翅帖帖守門口研蚬蛸蛸輕綃翼依陰萃楓柳沸渭泊靜寂噪聒亂
語談蒼蠅丹砂頭羣飛逐烹脂拍之適汚手驅之死仍耽對食憚下脰引
飲輒傾飢撫几炎欲燎披衣重猶雨慨彼征戍卒荷戟忘寢輟棄絕骨肉
愛不得同苦甘但聞盜賊熾未見王師戡郊原虜掠遍餽餉那能罩況乃
隆暑節蒸鬱非所請用兵貴拙速將帥當懷慙沈冥及暮鼓兩目脂流泔
拂袖招遠風衆星爛天南河漢上昭回烟霞遠驚懸且喜辰極明願覩戎
馬俟雲門迎鏡湖林壑清且涵豈惟隔埃壘庶足憩負擔惜無五畝宅偃
蹇投吾簪

題雜畫卷子

山川出雲霓谿谷藏虎豹枯樹繒綾身怪石硯鼎貌竹枝如琅玕烟雨昏
幕罩梅花雪中開的礫珠磊砢蘭獨稱國香矜麗最可樂莢纖草堪籍傷
單棘能抓宋公學元暉駭獸見騰鮪老班性嗜酒藻思發餘醅丹丘泣龍
髯零落江湖懼顛王食敗筆得米動盈窖僧明本靜者一藝起衆閑展卷

見歷歷聊足解喧囂裁詩慕韓豪瑣細非所較

題趙文敏公畫松

吳興昔王孫能畫世莫及觀其二松圖矯若龍出蟄蟠根破坤輿拔萃淪
原隰膠加各軒翥削男相倚立罨鱗撐空青豕鬣振颯飄高藏日月氣清
滴雲霧汁垂釣者何人短棹非安集五湖多風濤蛟蜃頭角鱗不如沔澤
間取足鱗與鰓倦眠松影下百竅清涼入慎勿驚松枝天寒衣袂濕

感時述事

十首

天王有萬國撫治不能徧百僚分所司控制倚方面旬宣貴浹洽付託屬
隆眷易置苟無恒勤怠朝夕變自非穀氏儔何官匪郵傳矧茲世多故軍
府希閒宴戎機一以失蟻穴憤臺殿公庭委舊事書牘呈新選來者且遲
遲在者同秋燕偷安待日至退託從私便姦貪遂乘隙民病孰與咎大臣
國柱石憂喜相連纏反躬旣遺闕何以率州縣寄與要津人有舌未宜嚙
十羊煩九牧自古貽笑嗤任賢苟不貳焉用多人爲師行仰供給州縣方
告疲差徭逮所歷添官有權宜奈何乘此勢爭先植其私百司並效尤貨
賄從橫飛列坐監公堂號令紛披離名稱到興隸混雜無尊卑正官反差

出道路不停馳徇祿積日月官吏之所希此輩欲何求朶剝圖身肥世皇
一字宙四海均惠慈盜賊乘間發咎實由官司云胡未悔禍救焚用膏脂
姻婭遂連茹公介棄艸茨農郊日增壘良民死無期天關深虎豹欲語當
因誰

先王制民產曷分兵與農三時事耕稼閱武在嚴冬亂略齊憤疾戰伐厥
有庸那令異編籍自使殊心胸坐食不知恩怙勢含威克將官用世襲生
長值時雍豈惟冰霰略且不習擊剽悍卒等驕子有令亦無從跳跟恣豪
橫鼓氣陵愚慙所以喪紀律安能當賊鋒崩騰去部曲蟻合尋歸蹤時方
務姑息枉法稱寬容寧知養豺虎反噬中自鍾國家立制度恃此爲垣墉
積弊有根源終成腸肺癰何由復古道一視均堯封

拳狗不噬禦星馳募民兵民盡烏合何以壯千城百姓雖云庶教養素
無行譬彼原上草自死還自生安知徇大義捐命爲父兄利財來應召早
懷逃竄情出門卽剽掠所過沸如羹總戎無節制顛倒迷章程威權付便
嬖賞罰昧公平饑寒莫與恤銳剗怨乃萌見賊不須多奔潰土瓦俱旌旗
委田野鳥雀噪空營將軍與左右相顧目但睜此事已習慣智巧莫能爭

廟堂忽遠算胸次精疑弁豈乏計策士用之非至誠德威兩不立何以餌羣氓慷慨思古人側愴淚沾纓

古人有戰伐誅暴以安民今人尚殺戮無問豺與麟監官舞國法致亂有
其因何爲昧自反一體含怒瞋斬艾若艸芥虜掠無涯津況乃多憤斂殃
禍動輒臻人情各畏死誰能坐捐身所以生念慮嘯聚依荆榛暴寡憚強
梁官政惟因循將帥各有心邈若越與秦遷延相顧望退託文移頻坐食
挫戎機養虺交蛇鱗遂令耕桑子盡化爲頑窟大權付非類重以貽笑羣
鼠璞方取貴和璧非所珍但恐胥及溺是用懷悲辛

五谿舊三苗蛇蚓相雜處其人近禽獸巢穴依險阻起居任情欲鬪狠競
爪距況能識君臣且不顧子父所以稱爲凶分北勞舜禹先朝愼羈縻罔
俾來中土胡爲修而至馳驟如風雨見賊但趨赴逢民輒俘虜腰纏皆金
銀衣被俱繡組所過惡少年改服投其伍農家劫掠盡何人種禾黍盜賊
有根源厥咎由官府任將匪能賢敗衄乃自取奇材何代無推誠卽心胥
誰哉倡此計延寇入堂宇割鼻救眼睛於身竟奚補浙西耕桑地百載安
生聚自從甲兵興徵斂空軸杆疲氓真可憐忍令飼豺虎追憶至元年憂

來傷肺腑

虞刑論小故夏誓殄渠魁好生雖大德縱惡非聖裁官吏逞貪婪樹怨結禍胎法當究其源剪鋤去根莖蒙龍曲全宥駕患於後來濫觴不理塞滔天谷陵頽總戎用高官沐猴戴母頤玉帳飫酒肉士卒食菜藿未戰已離心望風遂崩摧招安乃倡議和者聲如雷天高豹關遠日月照不該俱曰賊有神討之則蒙災大臣怨及已相視若銜枚阿諛就姑息華紱被死灰姦宄爭效尤無風自揚埃嘯聚逞強力謂是爵祿媒黎民亦何辜骨肉散草萊傾家事守禦反以結嫌猜慟哭浮雲黑悲風爲徘徊赤子母不憐不如絕其胚養梟逐鳳凰此事天所哀胡爲尙靡定顛倒勝與頽春秋戒肆肯念此良悠哉

八政首食貨錢幣通有無國朝幣用楮流行比金珠至今垂百年轉布彌寰區此物豈足貴實由威令敷廟堂喜新政躁議違老夫悠悠祖宗訓變之在朝瞞瞞然駭羣目疑怪仍揶揄至寶惟艱得輶櫝斯藏諸假令多若土賤棄復誰沽錢幣相比較好醜天然殊譬彼絺與綌長短價相如互市從所取孰肯要其痛此理實易解無用論智愚矧茲四海內五載橫戈戍

赤子投枳棘不知所歸途一口常萬喙唇縮舌亦瘖導水必尋源源達流
乃疏藝木必培根根固葉不枯慎勿庸邇言揚火自焚軀尙克詰戎兵不
顯厥祖謨

惟民食爲命王政之所先海嵯實天物厥利何可專食臣務聚財張羅密
於璫厲禁及魚鰕鹵水不得煎出門卽陷阱舉足遭纏牽魚休用鞭箠冤
痛聲相連高牙開怨府積貨重姦權分攤算戶口滲漉盡微涓官征勢旣
迫私販理則然遂令無賴兒睚眦操戈鋌出沒山谷裏陸梁江海邊橫行
荷篋籠方駕列船舷拒捕斥後儒爭疆今直前盜賊由此起狼藉成蔓延
先王務廣德如川出深淵外本而內末民俗隨之遷自從甲兵興奄忽五
六年借籌計得喪耗費倍萬千回憶至元初禁網疎且平家家有衣食畏
刑思保全後來法轉細百體皆拘繫厚利入私家官府任其愆大哉乃祖
訓典章尙流傳有舉斯可復庶用康迺邇

秦皇縣九宇三代法乃變漢祖都咸陽一統制荒甸豪雄旣鏹削瘡痍獲
休宴文皇繼鴻業垂拱未央殿累歲減田租頻年賜縑絹太倉積陳紅圜
府朽貫線是時江南粟未盡輸赤縣方今貢賦區兩際日月竊胡爲倚東

吳轉餉給豐儲徑危冒不測勢與蛟龍戰遂令鯨與鯢掉尾乘利便扼吭
虜國寵金紫被下賤忠良怒切齒姦宄競攀援包羞屈政典尾大不可轉
聖人別九州田賦揚爲殿中原一何懸所務非所先幽風重稼穡王業立
山奠夫征厲未習孰敢事游燕哀哉罔稽古生齒徒蕃羨一耕而十食何
以奉征繕長歌寄愁思涕淚如流霰程孟陽曰感時十首可謂詩史追配
杜老典重邁元白矣

丙申二月別紹興諸公

勞生屬時艱將老羣憂感風塵隘九野何土爲樂國茲邦控吳越名勝閱
自昔湖山競奇麗物產亦充斥交游尚質儉而不事華飾況有良友朋時
來慰岑寂全家免寒餓幾欲忘旅客胡爲復舍此僂僂就行役軒車遠追
送酒至淚輒滴還鄉人所樂我獨愁苦劇故山有松柏摧折爲荆棘豈無
骨肉親大半生死隔此語不可聞此景那堪覩愁情如波濤湧洞胸與臆
佇立向穹蒼一歎雙鬢白

雨中雜詩四首

久晴思得雨既雨久復厭廣庭屯陰氣平陸就昏墊淒風吹人寒朱火黯

無酸水衣上高墉泉溜發枯塹青泥沒遶道寸步不可覘慷慨成感傷
綿積憂念

首夏涼風生胡樹結晚色濛濛細雨交慘慘原野黑衡門長藜莠壞壁穿
荆棘念彼征戍兒沾濕荷戈戟囊橐罄留貲糴救難充食供輸旣乏絕戰
鬪何時息巢居者誰子鼠竄延晷刻田疇沒蓬蒿無處勤爾力又天高寥
寥仰視不可極

多雨損萬物草爛麥生耳青苔獨得時延蔓及堂庑晨興視天宇滴瀝殊
未已君子懼陸沉小人憂餓死淒涼大將營鼓綬弧弓弛朝廷竟知否盜
賊如流水

離居感時節寤寐不遑安青燈晦壁角簷溜如崩湍屈指計日月殷憂集
多端蛙黷爾何知叫噪喧草莞中夜攬衾裯淒淒陰氣寒鳳凰鍛羽翼卑
飛避鵙鷯撫几一長歎聲出心已酸

次胡元望郊行詩韻

誰言公館清晨氣晚未散豈乏樹蒼苔尚有花爛熳美人隔巷陌可念不
可喚溫溫夜光璧幽州潛璀璨鄙夫競誼譁達士善大觀世情如秋蓮零

落風中辭少年喜紛紜談笑輕絳灌進取務出奇周慮非習慣逝水難重
迴芳時愁坐換元臣鎮方面邊戎仰成算應憐四郊外荆棘滿耕畔悽悽
憂蔡女惻惻撫床瓘興懷增感傷展轉過夜半起行視青天星河色凌亂
安能作野馬脫略謝羈絆

夏中病瘡戲作呈石末公

晚浴烝骨毛蹭蹬張萬孔不虞小人風堀堞觸瘡塢長驅毒暑氣熇若燎
發忽鑽膚入經絡鍵鑰若衝桶蚩蚩水帝子鼠伏伺腥膻癡踞與狡罔並
出助推桐天君赫斯怒六軍躬自董丹元將爽靈逆擊闕哮噴主客相批
亢乾坤爲搖動初交且是是再接遂咏咏脩脩益股切猘猘賜翅腹蕭颯
葉鳴颼輾輾車轉輾驚沙走塞窄落雪旋蟻螻凌競剝床辨敲琢搖佩奉
玄冰結太陰河海溢銀汞俄然一陽復日脚舒喻矇微微細泉湧拂拂輕
因煥柔枝披婀娜弱葉散萋萋燿如九鳥燄熾烈昧窺腰炎炎祝融火炊
灼煬龍從龍奔歸大漠虎逝蜚空籠烘煖熟金石閃爍歆蟬蟬肆伐殄囂
露止齊安懜懜岑頭釋戴壓雨汗渙流滃黑鄧羣醜馘黃庭百神總頗怪
天地氣去來何倥傯集如蟻赴羶散若峰辭桶棄置且勿思宵鼓聰謹謹

秋夜感懷東石末公申之

不寐知夜長起視天宇闊散漫草上風朦朧雲間月寒禽鳴疎樹黃葉墮
階闥俛仰觀羣物惆悵不敢發誰云螭蟾壤能使泰山魍魎鷹鍛六翮狡
兎營三窟何當威弧正王旅得肆伐箇籥雖微材尚可施羽箭豈意風浪
舟心猶隔胡越士生非金玉有足難自達周嫠不恤緯楚放常懷闕平生
葵藿情忍與霜露歇玄冰膠坤軸非君孰能幹申章匪繁辭悲憤不可遏

次韻和石末公用元望韻遣興見寄

鵲鳩勸春耕桴鼓帖宵邏拊循餘暇日珠玉生咳唾時維青陽初天子在
左个布德順木令萬國罔不和祿食自紛紜撫字誰最課幅員若金甌絲
髮無瑩破涓涓可摧山機禍不在大中夜登高樓遙瞻太微座乾坤濟寥
落日月飛鳥過憤惋空有心盛時嗟已蹉

以野狸餉石末公因侑以詩

野狸性狡猾夜動晝則潛繫之籠檻中耳耳口不咄當其得意時足爪長
且銛跳踉逞俊捷攫噬靡有饜貧家養一雞與用易米塩爾黠弗自食尋
聲竊窺覘破柵舔肉血淋漓汗毛髯老幼起頓足心如刺刀鎌東鄰借釜

蹄西鄰呼歛儉繫餌翳叢灌設伏抽陰鈴彼機欸已發此欲方未飲絲繩
急纏繞四體如繻黏野人大喜慰不敢私烹煬持來請科斷數罪施剋割
七廉切使君鎮方面殘賊賊所殲械送致麾下束縛仍加箝腥膏忝舐
羶齒或可醢芼芳和糟醬頒賜警不廉黃雀利螳螂碎首泥塗露烏鴉殉
腐肉噴墨身受淹此物亦足戒申章匪虛誅

和石末公種棘用胡元望韻

力役困年侵種棘代遮邏豫防苟無失有地孰敢唾風條曲抽乙雨葉細
垂个是時春載陽土脉如膏和分疆督藝植勤惰各有課揮鋤綠烟披轉
石蒼蘚破稍看萌蘖長漸覩根株大結蔭冒長堤開花映高座猿公不敢
窺貉子那得過慨慕陶公言罔俾分陰蹊

得令字

勾芒發陳根北斗轉東柄眾星各參差威弧何時正好生雖聖心明刑亦
王政哲人慎謀始斯焉獲終慶徒言戶兩階舞可以懷逆命不見三危山萬
里竄梟獍世德異唐虞民情好爭兢那無跼扁醫面有膏肓病波濤地軸
輒虎豹天關夏雨露當春滋風霜及秋勁誰能奉明主順天行號令

正月廿三日得台州黃元徽書有感 三首

世亂網恢恢斯人亦淪翳數奇當何如窮途難爲計育風振喬木碩果失其蒂虎豹落機檻坐服輿皂制玄珠迷罔象白日慘陰晴涉水水有蛟入山山有彘棄馬感須無直道懷柳惠青冥無羽翼悲來夜迢遞

結交無疏戚艱難見平生金石苟不渝萬里如兩楹重山非云遠邈若遼與荆嬾婉豈不懷蛇虺正驕獐手持故人書心念故人情開書問故人淚下如雨傾

客從何鄉來遺我尺素書道路險且艱收人情有餘妖氣晦斗極黃濁混龍魚何筌不爲猶何麟不爲驅殷勤故人心炯若明珠投之千丈泥萬古光不渝安得致閭閻以照君王車

次韻和石末公春雨見寄

愁陰沴陽景孟春猶舌寒騰雲湧巖岫落雪蔽江干街衢溢潢潦井谷生狂瀾誤疑蛙黷窟中有蛟龍蟠復憂扶桑日坐爲黃濁漫顧瞻望四郊側足不遑安却秦慕魯運存齊想田單玄髮雖向改壯心終靡殫小人務苟止君子慚素餐高牙對多壘肉食徒王官周綱雖云弛一匡賴齊桓莫驚

清滄盈雨息當自乾

次韻和石末公春日感懷

下澤潢潦集幽林
光景遲羈禽有哀
響稿葉無丰姿
梁稊不同畝
世事久當遺
便欲駕扁舟
泛湖上
漪慨懷所招
賦悵惻感遐思
流光逐飄風
去若六馬馳
干戈尚難
迷舉目多可悲
步登西城樓
還望東城陴
近悼春陵吟
遠傷鴻雁詩
未能已
怨怒矧暇防
笑嗤賴有賢
大夫直道人
不欺相期各努力
共濟艱難時

偶興

勞人怨長途
壯士悲老別
那將望鄉心
對此傷神月
淒涼寒風至
惆悵芳草歇
瑤琴無子期
絃爲君絕

黃慎之自閑見訪夜坐對酌悵然有感

故人一爲別
七見秋夕月
今日見故人
故心鬚髮
又新
世情如鬚髮
故人當識察
車輪東北馳
車轂終不移

鄭同夫餞別圖詩

江上潮始白
林端霞半紫
微風颺歸帆
紅葉映竹子
芳醪沁金樽
清歌猶

在耳馬鳴不見人愁來若流水

爲本大師題唐臨晉帖

乾符天子萬機暇宮中扈從多儒冠玉堂開宴山晉帖翠氣蕩搖山雪寒
侍臣模寫各臻妙碧樹瓊柯相照耀令孜嗟嘆主尊喜內官拜舞宮娥笑
日斜宴罷歸內園外門有事人不言君不見關東夜飛赤白九昭陵玉匣
秋風酸

題鍾馗役鬼移家圖

鼻夫當前驚婦後暗鬼作糧驅鬼負山蛄可駕雷可車胡爲役鬼來肩輿
乃知老馗未公正怙威植私干律令玄雲沈陰鬼怪多馗乎馗乎奈爾何

爲王輔卿郎中題雪灘寒雁圖

雲茫茫水浪浪林木脫葉無稍梁鳥啼雁叫天蒼涼歲云莫矣江山長有
竹有竹在高岡三株凍折兩復僵小禽悲飛不能揚蒼梧悠悠隔沅湘欲
往從之川無梁披寒霄見朝陽勿令嗷嗷傷我腸

畫竹歌爲道士詹明德賦

我所思兮在瀟湘蒼梧九疑渺無際但見綠竹參天長上有寒烟凝不飛

下有流水聲琅琅中有萬古不盡離別淚化作五色丹霞樂穿崖貫石出
厚地風吹露滌宵有光我欲因之邀鳳凰天路脩阻川無梁孰知畫史解
人意能以造化歸毫芒虛堂無人白日靜使我顧盼增慨慷玄霜慘烈歲
將宴飈啼颺吁天悲涼我所思兮杳茫茫山中紫筠春可茹歸來無使遙
相望

辛卯仲冬雨中作二首

江城積陰愁玄冬千家萬家雲水中烏啼黃昏雁叫夜鼓角慘澹愁悲風
青燈無光掩關坐饑鼠相嘶啼過我讀罷殘書有所思凍雨霏霏淚交墮
歲云暮矣風蕭蕭木葉脫落惟空條雲濃雨細白日短慘慘不辨昏與朝
雨中行人足斛觥去與公家製戎服中原豺虎正橫戈天寒風急奈爾何

悲杭城

觀音渡頭天狗落北關門外塵沙惡健兒被髮走如風女哭男啼撼城郭
憶昔江南十五州錢塘富庶稱第一高門畫戟擁雄藩藩艷舞清歌樂終日
割臚進酒皆俊郎呵叱閑人氣驕逸一朝奔迸各西東玉笋金杯散蓬華
清都太微天聽高虎略龍韞絨石室長夜風吹血腥入吳山浙河慘蕭瑟

城上陣雲凝不飛，獨客無聲淚交溢。

夏夜台州城中作

江上火雲蒸熱風，欲雨不雨天夢夢。良田半作龜兆拆，杭稻日夕成蒿蓬。
去年海賊殺元帥，黎民星散劫火紅。耕牛剝皮作戰具，鋤犁化盡刀劍鋒。
農夫有田不得種，白日慘淡衡茅空。將軍虎毛深玉帳，野哭不入轅門中。
健兒鬪死烏自食，何人幕下矜奇功。今年大軍蕩淮甸，分命上宰麾元戎。
舞干再見有苗格，山川鬼神當効忠。胡爲旱魃還肆虐，坐令毒沴傷和沖。
傳聞逆黨尚攻剽，所過丘壠皆成童。關司恐畏破和議，斥堠悉罷雲邊烽。
殺降共說有大禁，無人更敢彎弧弓。山中悲啼海中笑，蜃氣繞日生長虹。
古時東海辟孝婦，草木枯瘁連三冬。六月降霜良有以，天公未必長瘡痍。
只今幅員廣無外，東至日出西太蒙。一民一物吾肺腑，仁者自是哀鰥悁。
養皇如鳳天所厭，誰能抗疏回宸衷。夜涼木末掛河漢，海嶠月出光玲瓏。
仰視皇天轉北斗，嗚呼愁歎何時終。

題釋縣圖

關中小兒勇而競，玉帳貔貅三百乘。焉知道上十二牛，皇天默佑周同姓。

絳宮大厲吼如雷墨車載甲光照繼鷹騰二陵間劍鋒白噹噹壯士百戰
腦塗地元帥束縛坐艸萊俘囚有血堪斲鼓自分殘膏染齊斧一死一生
直望外豈意片言由內主鴻雁曾傷弓尚爲空拳愁犀兕脫匣出聞呼肯
回頭河邊解駉徒謫謀舟中稽首心悠悠濟河封尸勿云晚此事終作晉
國羞君不見夫差違子胥空灑姑蘇泣丈夫深戒婦人仁養虎遺患悔莫
及方谷真遣人浮海納賄中官差定招安之議故引襄夫人事以刺焉

題錢舜舉馬圖

吳興公子雅好奇欲把丹青競天巧花蜂柳鶯看已足貌得驂驪圖更好
浪花滿身蹄削礪兩耳抽出春筍尖風髮欲拂九霄霧隅目似掛高秋蟾
昨者王良失機韉封狼咆哮蛇豕闕天開乘黃越在野出車未見歌南仲
嗚呼安得此馬背負郭令公掃清四海歸奏明光宮

題陸放翁賣花叟詩後

君不見會稽山陰賣花叟賣花得錢卽買酒東方日出照紫陌此叟已作
醉鄉客破屋含星席作門溫螢生窟花滿園五更風顛雨聲惡不憂屋倒
憂花落賣花叟但願四海無塵沙有人賣酒仍賣花

包與直題太一真人圖

太乙真人鴈眉須不知所持何代書既不學昂星降精下輔隆準公又不
學傳說請帝通夢寐左右商王陳範謨眇然一葉蓮花莠清秋風吹落泥
塗紅周粉瘳不可扶君何爲乎以爲桴蕩漾九河凌五湖夸耀水伯驚天
吳坐令文成五利之輩假借神聖欺庸愚靈旗風翻壯荆符辟鹿無鬼夫
何辜漢宮天祿連石渠金缸銜壁麗綺疏青藜有燄如芙蕖何不分餉依
光夜績之徐吾高堂耽耽縣畫圖作歌一笑駭里閭

爲戴起之題猿鳥圖

牧齋書

巴東之山巫山高連峯插天關鍵中有懷陵鯨谷之波濤藤蘿杳冥風
怒號人跡不到神鬼逃但見野猿沙鳥羣相嘈聲取百竅搖巖壑此景可
聞不可遭爾何爲乎貌以毫毛嗟哉用心無乃勞江盤峽束雷雨昏崩岬
死樹纏古戩以猿抱兒隨白猿長臂嫋嫋相攀援舔舐譎趣騰鸞縣柯攬
石墜且掀上有滿月如蘋盆簪管桃枝寒自蕃嘉實不食鳳高翻但見娥
皇女英之淚痕勢窮險盡原野闢落日烏鴉繞雲黑荻花茫茫蘆葉赤前
飛鵠鵠後鳬鵠滿相洞庭烟水碧騶虞驚驚無顏色還君此畫長太息獨

立看天沃沾臆

題羣龍圖

世間萬類皆可觀茫昧獨有鬼與龍此圖畫龍二十四狀貌詭譎各不同
得非物產有異種或曰神變無常蹤一龍捷尾欲上水足爪猶在齋云中
一龍出穴飲澗底頭上飛瀑瀉白虹前有一龍已在雲顧視厥子揚雙瞳
浪波魚鱗沓徑縱日車坎北天無風中庭兩龍忽相逢須眉龍髯如老翁
便欲角觝爭雌雄西望積石接崆峒白龍擘石窺流淥河伯遠遁虛其宮
屈蟠睡者何龍鍾老物用亢時當終峽外六龍擗以兇矜牙舞爪起戰攻
蛟鱗嚼甲含劒鋒陷胸折尾波血紅之死弗悟人誰恫一龍引吭將欲從
迴環睢盱未敢通最後一龍藏於垓睥睨勝敗非愚神無乃有意收全功
雲中弄珠勞爾躬不如卧沙之從容龍子學飛力未充母在下視心憧憧
何物一角額準隆觚然出洞若蛇蟲有龍接之自龍從恐是聾亢王鮪公
皮骨始蛻形猶蒙兩龍歸來倦不神癡龍攀石身已癢蚴蚪偃蹇欲騰衝
蜃蠃攫躍鬚髮聳吐呀奔拏曲如弓百態並作何紛龐是耶非耶孰能窮
畫師昔有僧繇工能令真龍下虛空安得伶倫截竹筒吹之呼龍出石拱

使我一見開昏瞢

爲丘彥良題牧谿和尚千雁圖

往時惠崇畫蘆雁對之如在江湖遊只今此圖又精妙中有千里瀟湘秋
乃知浮屠性多巧意匠不與凡夫儔吳松江長具區闊天日虎丘青一髮
西風九月秔稻黃朔雁飛來翼相戛幾天苦饑雁獨飽此意畫師應識察
近者分明辨羽毛遠者縹緲瞻秋毫戎馬飄風入烟霄或翳落日沉隍濠
起如武侯布八陣集如萬舞回旌旄眠沙卧草鳴且翔喋呶蕩荇亂蓬蒿
禾空穗盡却歸去紫塞漠漠春雲高我家南山限蒼嶺雁飛不到川路永
深林大谷蛇豕盛愁向他鄉撫虛景人言鴻雁比弟兄我有兄弟隔兩城
題詩卷畫謝客去無使感愴傷中情

雨中寄用章上人

月盈復魄已過五不見白日長見雨美人娟娟隔巷陌會面不得徒延佇
昔邪常門泉湧礎仲蔚蓬蒿塞環堵陰風向人作秋氣芳草日夕成宿莽
玄圭上天禹穴閉蒼水使者今何許玉京羣仙翳煙霧弱水西流隔玄圃
女夷鼓歌不自覺朱鳳翅濕那能舉自從干戈起淮甸天下無處無豺虎

微斂頻煩轉輪急更有何鄉爲樂土
弱桑餓人誰復數思家遠客空懷楚
半生身世付浮雲獨立看雲百憂聚
晚來天南橫絳虹雨勢未已愁雷公
井蛙谷鮒俱得意汜濫潢潦登穹隆
方外文章誰最好後有顓公前笑老
裁詩忽漫寄中情萬事茫茫聽蒼昊

玉潤和尚西湖圖歌

大江之南風景殊杭州西湖天下無
浮光吐景十里外疊嶂湧出青芙蕖
百年王氣散荆棘惟有歌舞留歡娛
重樓峻閣如鉛黛媚柳嬌花使人愛
老僧不善兒女情故作獼猴象兒真
態想其泚筆欲畫時高視化工如小兒
千巖萬壑吾意匠夸娥巨靈吾指麾
却憶往年秋雨夕畫舫衝烟度空碧
蒼茫不辨雲與山但覺微風細草搖
秋須臾冷月迸深霧時見松杉半昏黑
開尊命客彈焦桐扣舷大笑傷海童
鮫人唱歌魚鼈應水底影動雙高峰
只今倏忽成老翁可憐此樂難再逢
愁來看畫欲自適誰知感生愁轉劇

題富好禮所畜村樂圖

茂昔住在南山頭連山下帶清溪幽
山巔出泉宜種稻繞屋盡是良田疇
家家種田恥商販有足懶踏縣興州
西風八月淋潦盡稻穗穠比無蝗蟲

黃雞長大白鴨重瓦甃琥珀香新芻芋魁如拳棗殼赤獻罷地主還相酬
東鄰西舍送賓主老幼合坐意綢繆山花野草插巾帽竹筍漆碗兼蕢臠
酒酣大笑雜語話跪拜交錯禮數稠或起頓足舞休儒或坐拍手歌甌篪
傾盆倒榼混醢醬爛熳沾漬方未休兒童跳躍助諠譟執道遠走同僇囚
出門不記舍前路顛倒扶掖迷去留朝陽照屋且熟睡官府亦簡少所求
寧知宴安含酖毒未耜一變成戈矛高門大宅化灰燼蓬蒿瓦礫塞道周
春燕營巢在林木深山露宿隨猿猴三年避亂客吳縣側身天地如浮漚
親朋阻隔童僕散疏食水飲不自謀有時悄恍夢閭里驚覺五內攢百憂
君家畫圖稱絕妙鑒別曾遇柯丹丘想應臨榻出秘府筆意精到世罕儔
村歌社舞自真率何用廣樂張公侯太平氣象忽在眼令我感愴涕淚流
近者鄉人來報喜今歲高下俱有秋豺狼食飽卧窟穴軍師已運招安籌
人情自古共懷土況乃霜雨淒松楸神龜且被預且困予所弗念天我尤
積薪厝火非遠計誰能獻納陳嘉猷長江波浪接淮泗白日慘澹騰蛟虬
天下農夫總供給隴畝不得安鋤耰市中食物貴百倍一豕之價過於牛
魚鹽菜菓悉費米官幣束閣若贅瘤朝餐僅了愁夕膳誰復有酒澆其喉

循環天運往必復邪氣薶至不遠瘳此生此景須再覩引領悵望心悠悠

爲啓初門和尚題山水圖

天下名山隨處有畫圖流傳亦良久祇園道人展橫幅觀者稱誇同一口
蒼梧九疑高插天卷而懷之不盈手巨靈驚呼盤古怒地軸缺北昆侖剖
太陽出海開杳冥嶓冢岷峨大如斗華軒無人清晝閑恍然置我匡廬間
金輪迴出牛女上遠近羅列千雲鬋江花野竹青錦斑嵌巖斷石蛟鼉顏
岡盤谷轉絕徑路但見湖水迴瓊環白沙洲暖春風起南船掛帆北船艤
吳波不盡芳草外楚岫半入長烟裏夜深小龍行雨歸宮亭月落彭郎磯
旌陽步虛慮老和雜佩散作虹蜺飛百年塵世真夢寐回首旌旗塞天地
舊游何處成渺茫一曲狂歌數行淚青丘弱水迷方壑武陵桃源今有無
瑤臺三島消息斷安得羽翼歸清都

題趙學士松圖 白塔

趙公拈筆作古松平地躍出三青龍蜿蜒不上霄漢去爽颯長留烟雨濛
前朝美人關艸處猶有當時數株樹江亭六月涼如秋應與此圖相對愁

題李陵見蘇武圖

中原無書牴不乳孤裘蒙茸奈何許老身漢節死生俱地角天涯見明主
金鞍駿馬空故人相看一笑增悲辛悲來風沙吹上馬河水東流日西下
空一作吾

長平戈頭歌

長平戰骨爛塵飄歲久遺戈金不銷野人耕地初拾得土花漬出珊瑚色
邯鄲小兒強解事枉使泥沙埋利器四十萬人非少弱勇怯賢愚一朝棄
陰坑血冷秋復春朽壤食盡蒼蛇鱗湮淪長愧杜郵劍廢墜空憶椿喉人
故壘中宵鬼神入雲愁月暗戈應泣嗚呼當時豈無牧與頗戈乎不遇可
奈何

錢王箭頭篇

鴟夷遺魂拗餘怒欲取吳山入江去雷霆劈地水羣飛海門扶胥沒氛霧
英雄一怒天可回肯使赤子隨鮫鮪指揮五丁發神弩鬼物碎易腥風開
三百年來人事改濤落沙平箭空在石梁飲羽未足誇蜀國三犀漫欺紿
近聞黃河水亂流青徐一半悲魚頭安得壯士斡地軸爲拯斯民塗炭憂
次韻和石末公七月十五夜月蝕詩

招搖指坤月望日大月如盤海中出不知妖怪從何來惘恍初驚天眼睽
兒童走報開戶看城角叩鳴聲未卒蟾逃兔遁漠無蹤壁隕珠沉一何疾
丈夫愕視隘街巷婦女喧呼動主算輝輝稍辨河漢沫耿耿漸明荒冢漆
百官袍笏羣吏趨伐鼓撞鉦仍設鞀赤水難令罔象求澠池莫効相如叱
升簷變閣到空曠塋掩氛侵殊靡畢廣寒桂樹劫火燼借問嫦娥有何術
今年下土困炎沴草木焦枯野蕭瑟萍號鵠死龍甲歟赤燁當衢掛萍實
光芒照灼玄武爛誰復瑣憐蚌鵲今夜慙作最差異天道幽微孰能詰
太陰配日宰臣象無乃常形多縱軼近來營壘徧宇內羽林慘澹空鐵鎖
荒郊廢市何所見夔罔蛟蛇兼蚤蟲此皆在地不在天未若蝦蟇狡而猶
黃文結鄰上訴帝賜以小戎驂壯隲剖藝洗魄還月光再起咎繇明典秩
返蟾歸免復緘阿萬古游塵避清蹕

再用前韻

虞淵餘鈇納歸日金樞吐月相承出初離積水看若飛稍映微雲盼猶睽
是時暮收聲視政莎雞振羽鳴蜩卒姮娥視粧覲玉帝砍柯中途嬰禍疾
旅人苦熱愛清涼快觀光輝滿蓬華願開寶鑑照羈盆豈擬瘴塵昏點漆

隋珠慙固重革概和璧嗟蒙昧草
三足蟾驚入坎窞八竅免走相且畢
雷公駭懼罷靈鼓湘女幽憂各含鳴
義和尸位罔聞知可以人而不如鵠
高牙大纛擁藩垣腸斷吞聲受陵軼
萬姓喁喁釜裏魚百官蠢蠢陣中蠹
吳穹示變盍驚畏惟德動天大自鷗
安得緘辭伏閭闔聖主如聞應駐蹕

涇縣東宋二編修長歌

浙東行人過江左正值糴省之管吹
桑鴉谷風哀鳴濯木應雨脚四垂如
白窪使疑桑田變滄海流禾焚眼無
誼譚滿路青泥雜隕籜局縮畏觸蛭
麤麤翠斜蟬鬚轉蓬去頽墻缺甃劫
人嗟叢祠佛殿總銷歇但見木偶眠
泥苴前度長洲絕短澗興從沾濕水

沒跨寒颼痒瑟透衣袖雖有種蓋那能遮水邊老鸛學人立鷺鷥侍傍如
小媒廢田蔓草結旌旆農夫盡化爲蟲沙布穀不知時事異勸耕終日聲
查查晚來雨歇到涇縣只有蒿荻無人家縣官趨迎入公廨筋蠻骨解肉
半麻蕭條破竈冷灰地饑童凍口張吟呀漚沱麥飯那能致新豐酒醪何
處賒古稱悲歌可當哭莫怪笑謔同兒哇夜深月出照庭樹鬼燐一似青
蓮華驚魂遁魄稍歸舍收入志慮無令邪愁愁曉霧子規叫起坐更盼羲
和車

聽蛙

繞舍荒池底且飭蟹蛙齊候鳴雷社已知地氣上如炊更覺石泉流若瀉
舉頭玉燭煥陽明跼足汗泥悲土苴半夜條風入綺牕清晨細雨霏簷瓦
梁間紫燕舞參差枝上黃鶯語悲蛇播形肖貌均有生感氣傷情孰瘖瘂
初聆衙衙雜更鼓漸聽嘈嘈成侈哆猶持堅白較同異似坐狙丘談稷下
村童叫噪聾學究悍婦勃礮喧姊妹姐西城胡僧彈般若齊東老生矜炙輶
逸帆觸岸靡兼葭醉客罵筵投盞竿吻咬誰辨驃兒哇號若乍開寶叟嘲
怒牙嚼齧悻羅吞寤言詰屈驚宜憒徒夸楚使能晉齊未讓秦巫工詛芋

肥離傑休紛覲縷帝樂虛張洞庭野虞夔奚暇調笙磬周替易由分鄭雅
旅人懷憂實無寐遭此彌聒胡爲者得非作姦謀蝕月無奈聚訟騰謹謾
昔聞周公立典教蠲氏專司鞠灰灑常疑聖人茂育物獨向微蟲少寬假
乃今知其非瑣屑欲問官司乞餘地鳳皇驚鷺鷥苦希白雪陽春和偏寡
蚊蠅蚤蟲多於沙鑽啞啞鳴紛醜視蝦蟇幸不含毒螫何苦吮號爭爬蛄
烏鳶逐響蛇聽音寧顧人腹生癢痕賦詩却笑柳柳州忍使腥臊辱殖鮓

贈道士蔣玉壺長歌

先生清如玉壺冰神閑志一精粹疑玄黃健順六子承和氣塊乳龜穢澄
沖虛澹澹廓以弘冥茫沕穆恬無能火鳥入海陰液升鸛蛇受約不敢騰
束縛龍虎如寒蠅虛無黃堂帝所憑四方上下齊鉤繩北幽羅鄧對朱陵
女夷鼓歌王母應瓊宮夜半張華燈金葩碧葉紅氍毹素霞鬱滃玄雲烝
沆瀣厭浥淪泉興牽牛織女來相仍用之不減亦不增地官錫福天官徵
老蚌迸殼驪珠升太一象輿驟八鵬翼以六蜺前五騰風輪蕭蕭生夏凌
秦旗九旂夜緄縢二八青蛾美目睒翠鞋交翟翺翹輪焉車九九如連繩
最後雷輶午所乘流蘇勃窣垂鏤膺編爛駁馬駟駘駘踏霧碎綺綾

天津閣道轡轡歸來瑤臺十二層月光照耀玻璃棚下視瀛海波濤砵
龍宮蜃窟寒兢兢歸塘賜谷清可憑鱗甲鏡瑩與蛟相妃鼓瑟水絲絃
擬金戛玉萬穴璇琅玕風吹殷峻嶒琉璃雲母龜貝明琳房璧璫階陞
素鸞振迅霜女扔璇璣璵璠肅肅蕙蕙洞見曠朗眩遙睥睨肌砑髓魂欲殞
忽然浮空墮香膏馳驅電耀羽脫肱天衢阻遐世網曾昏昏日月敲炎蒸
句曲之山翠硯礪楓杉檜柏楮桂杓蘅蘭杜若蕙蔭蕙緣岡被嶺巖礪勝
大地浪井瀑練瀟瀟瀟瀟繪芙蓉菱隱虬蚪千年藤纏絡薜荔縣壟膏
敷芳發馥菲芬芳猗猗猗離離蒼鷹攀援欬若巖粵崩寒蜚蟻蝨蟬范蠡
嵐餐霞飲噴炭岫先生皮冠衣絳綃桃枝七尺穿庭騰三茅真君共噬稱
星根絕頂時同登黃斑黑虎陟降凭石鐮甘漿溢若澗神芝吐綵如質盤
食時動機保不薨驅斥珞璣除癘穢眸光照塵生紫稜舉觴引滿鯨喉漿
解后見之喜莫勝揚眉抵掌開蒙顛人生嘉會安得恒靖恭正直天所仍
作詩持贈匪妄詭

二鬼

億昔盤古初開天地時以土爲肉石爲骨木爲血脉天爲皮崑崙爲頭顱

江海爲胃腸嵩岳爲背脊其外四岳爲四肢四肢百體咸定位乃以日月
爲兩眼循環照燭三百六十骨節入萬四千毛竅勿使淫邪發洩生瘡痍
兩眼相逐走不歇天帝愍其勞逸不調生病患申命守以兩鬼名曰結璘
與鬱儀鬱儀手捉三足老鴉脚踏火輪蟠九螭咀嚼五色若木英身上
五色光陸離朝發暘谷暮金樞清晨還上扶桑枝揚鞭驅龍馭海若蒸霞
沸浪煎魚龜輝煌焜耀啓幽暗燠煦草木生芳絃結璘坐在廣寒桂樹根
漱嚙桂露芬香菲啖服白兔所搗之靈藥跳上蟾蜍背脊時捕光弄影蕩
雲漢閃金燦壁葩花摘手摘桂樹子撒入大海中散與蚌蛤爲珠璣或落
岩谷間化作珣玕琪人拾得喫者胎臆生明翼內外星官各賦職惟有兩
鬼兩眼晝夜長相追有物來掩犯兩鬼隨卽揮刀鉞禁制蝦蟆與老鴉低
頭屏氣服役使不敢起意爲奸欺天帝憐兩鬼暫放兩鬼人間娛一鬼乘
白狗走向織女黃姑機植河鼓塞兩旗跳下皇初平牧羊羣烹羊食肉口
吻流膏脂却入天台山呼龍喚虎聽指揮東岩鑿石取金卵西岩掘土求
瓊蕊岩洞洞若石梁折驚起五百羅漢半夜撥刺衝天飛一鬼乘白豕從
以青羊青兔赤鼠兒便從閑道出西清入少微浴咸池身騎青田鶴去採

青田芝仙都赤城三十六洞主騎鸞翳鳳來陪隨神魁清唱毛女和長烟
裊裊飄熊旂蜚廉吹笙虎擊筑閭象出舞奔馮夷兩鬼自從天上別別後
道路阻隔不得相聞知忽聞寒山子往來說因依兩鬼各借問始知相去
近不遠何得不一相見敘情詞情詞不得敘焉得不相思相思人間五十
年未抵天上五十炊忽然宇宙變差異六月落雪冰天達鼉鼉上山作窟
穴蛇頭生角角有岐鰐魚掉尾斫折巨鰲腳蓬萊宮倒水沒消擺倉枉矢
爭出逞妖怪或大如甕益或長如蜈蚣光燦燦形躩躩叫庚家呼熊龍煽
吳回翔魑魍天帝左右無扶持蚊蠅蚤蟲蠅蚋蜉蝣啗血圖飽肥緩攫
不可揮筋節解折兩眼瞋不辨妍與媸兩鬼大惕傷身如受榜笞便欲相
約討藥與天帝鑿先去兩眼翳使識青黃紅白黑便下天潢天一水洗滌
盤古腸胃心腎肝脾却取女媧所搏黃土塊改換耳目口鼻牙舌翛然
後請軒轅邀伏羲風后力牧老龍告泰山稽命魯般詔工倕使豐隆役黔
羸礪斧鑿具鑪鎚取金蓐收伐材尾箕修理南極北極樞幹運太陰太陽
機檄召皇地示部署岳瀆神受約天皇墀生鳥必鳳凰勿生梟與鴟生獸
必麒麟勿生豺與狸生鱗必龍鯉勿生蛇與蠃生甲必龜貝勿生蜃與蚌

生木必松楠生草必薺葵勿生鉤吻含毒斷人腸勿生根棘軍利傷人肌
螟蝗害禾稼必絕其蟧蜥虎狼妨畜牧必遏其孕孽啓迪天下蠢蠢氓
蹈禮義尊父師奉事周文公魯仲尼曾子與孔子思敬習書易禮樂春秋
詩履正直屏邪畝引頑嚚入規矩雍雍熙熙不凍不飢避刑遠罪趨祥祺
謀之不能行不意天帝錯怪悲謂此是我所當爲眇眇末兩鬼何敢越分
生思惟呶呶向瘖盲洩漏造化微急詔飛天神王與我捉此兩鬼拘囚之
勿使在人寢做出妖怪奇飛天神王得天帝詔立召五百夜叉帶金繩將
鐵網尋踪逐跡莫放兩鬼走逸入嶮巖五百夜叉箇箇口吐火搜天括地
走不疲吹風放火烈山谷不問杉栢檉櫟蘭艾蒿葦藋茅茨燔爇熨灼無
餘遺搜到九萬九千九百九十九例即公底捉住兩鬼眼睛光活如琉璃
養在銀絲鐵柵內衣以文采食以麋美教突出籠絡外踏折地軸傾天維
兩鬼亦自相顧笑但得不寒不餓長樂無憂悲自可等待大帝恩怒解猜
惑依舊天上作伴同遊戲此詩蓋擬昌黎二鳥而作所謂二鬼公蓋自謂
及金華太史公也其推挹金華如此○程孟陽曰公樂府多似太白少陵
閒學張文昌王仲初此又在盧仝馬異間奇怪直彷彿昌黎矣

劉朝詩集

甲集前編第一終